



特

門 凡 50
1570
卷 3



寧波府志卷四

志一

南京兵部尚書郡人張時徹纂修
寧波府知府蜀威遠周希哲訂正

疆域志

司馬氏曰先王疆理天下分制五服各有境土蓋
畫一不相犯矣而王封既移其吞噬暴滅者日相
尋也是故取麥取禾至於交惡鄭璧許田迭相貸
假卻至敢爭於周三卿四征於魯其違於分封夾
輔之舊遠矣郡縣既設帝王會有代謝而封域因



之經焉分符之吏各制其有而輻輳並集以會于
天子星羅碁布莫不可四履而數計之也寧波緣
海而郡南界於台西界於紹而東與北則直以海
爲界東極海岸凡百有四里東南極海岸凡百一
十有二里東北極海岸凡七十有二里北極海岸
凡六十有二里而自海岸而遡於大海東極於石
馬山之洋可六百里東南極於踞門山之洋可八
百里北極於蘇州之洋可千五百里東北泛於大
海可千里此蓋以海潮測計之也其南極珊瑚嶺

之海凡百四十有六里西南極杉木嶺凡百二十
有六里皆際於台州其西則極桐下浦凡百二十
里西北極鳴鶴鄉之雙河凡百有五里皆際於紹
興郡之疆域其大都若此矣分爲五縣縣各有域
而疆域之定經於天則有分野制於地則有形勝
有山川成於人則有風俗以故類而列之成疆域
志

鄞爲附郭居四邑之中東至陽堂鄉育王山隴東
河舖三十有五里界於定海南至鄞塘鄉傅霸河

五十有五里界於奉化西至柅源鄉潘畧嶺三十里界於慈谿北至老界鄉磚橋舖十有五里界於定海東南至豐樂鄉之金峩山九十里界於奉化西南至通遠鄉梅山嶺百七十里界於紹之餘姚東北至老界鄉張家堰四十有一里界於定海西北至清道鄉西渡三十有五里界於慈谿其東西相距凡六十有五里南北凡六十有六里延袤總百三十有一里

慈谿治郡之西北東至梅林涇鷓鴣浦六十里界定海南至鍾乳山潘畧嶺三十里界鄞西至桐下湖從浦大江八十里界餘姚北至海岸六十里界海鹽東南至西渡江心十五里界鄞西南至陽溪村石門山百里界餘姚東北至鴈門嶺六十里界定海西北至上林鄉八十里界餘姚東西相距百里南北九十里延袤百有九里
奉化治郡之西南東至藤嶺道陳嶺七十里界鄞南至柵墟嶺六十里界台之寧海西至六詔嶺百里界紹之嵛縣北至北渡大江四十五里界鄞東

南陸路及折海水路至鄞港中流白石山凡五百七十里界象山西南至杉木嶺五十里界寧海東北至金莪山嶺六十里界鄞西北至箬坑嶺百二十里界嵗東西相距百七十里南北百有五里延袤二百七十有五里

定海治郡之東北東切海岸自海岸出蛟門極於舟山盡一潮可二百里南至靈巖鄉育王山三十有五里界鄞西至清泉鄉浦橋北五十里界鄞北亦切海岸自海岸盡平江海洋可二百二十里東

南至海晏鄉烏崎山海洋百有十里西南至崇丘鄉張家堰三十有五里東北切海岸自海出金塘約半潮可百五十里從金塘至舟山二百里西北至靈緒鄉東墟步百二十里界慈谿東西相距三百九十里南北二百五十有七里延袤六百四十有七里

象山治郡之東南東至東殊凡八十里界鄞南至秋蘆門海港百九十里界寧海西至磕倉山脊百里界寧海北至嶼山十五里界鄞東南至海岸六

十里西南至漁溪海港碇倉山百五十里界寧海東北至鄞港中流翁山四十里界鄞西北至鄞港中白石山二百四十五里界奉化東西相距二百里南北二百有五里延袤四百有五里

總郡之疆域東西二百二十有四里南北二百有八里東抵翁洲南望華頂西接會稽北距瀚海延袤四百三十有二里西北至省城四百八十里至南京一千三百八十里至北京四千五百五十里水路四千六百三十八里

分野

司馬氏曰夫日月星辰在天成象山林川澤在地成形雖清濁異質而二氣不殊軌矣次舍有度封奠有域璣衡之運逆順安犯而祥沴見焉是故王者體國經野必先別其分星此非示人以詭道也所以省淑慝而詔救政也寧波故禹貢揚州之域於春秋爲吳越於分野爲星紀爲斗牛女之次於辰爲丑自星經散逸而說天者互有異同夫亦信其可知者而已

周禮大司徒以土宜之法辨十有二土之名物保章氏以星土辨九州之地所封域各有分星後世說天之學皆因之然皆迄無定據獨僧一行謂天下山河之象存乎兩界而以星辰河漢別其陰陽升降配以古今輿地是曰分野則諸家說天之祖也春秋州鳩禘竈之徒所論諸國分星詳矣然不及吳越寧波故禹貢揚州之域於春秋為吳越地於分野則始見於周禮鄭玄註曰星紀吳越也范曄志星紀起斗十一度

至婺女七度於辰為丑於分野為吳越然則郡

之所占蓋斗牛女之次矣晉書星紀起斗十二

度比范志減一度費直星紀起斗十度比范志多一度終婺女

五度比范志減二度蔡邕星紀起斗六度比范志多五度終婺

女二度比范志減五度一行星紀起斗九度比范志多二度終

婺女四度比范志減三度諸說星紀丑分皆不同蓋當時布筭之術各有所授故其

說各因之然語斗牛女為吳越之分一也班志吳斗

分野越牽牛婺女分野此又分星紀為二而吳

與越又自有分矣以事應驗之漢桓帝熹平間

熒惑入南斗會稽許昭聚眾為亂攻破郡縣此

斗又兼屬越獻帝建安初歲星熒惑太白聚牛女孫

策權開江東此見牛女又兼屬吳陳之末有星孛於牽牛

叔寶亡此又牽牛兼吳越邇嘉靖癸卯七月熒惑入南

斗占主東南大饑荒是冬及明年春自淮揚大

江而南歷蘇松浙東西斗米數百錢道殣相望

此斗又兼吳越然則星紀之在吳越又不可分矣春秋

越得歲吳伐之卒受其咎此又實有所分與班

志合然以天官書論之又別有指按遷史天官書歲有贏縮

趨舍而前曰贏退舍曰縮贏其國有兵不復縮其國有憂將亡吳越均在星紀然吳在越北越

在吳南豈是時歲之所入適歷北而南吳當其退度而縮越當其進度而贏故越有吳兵卒不

使吳得復而吳因以亡乎此當驗歲之退吳而進越不當言越之得歲而吳之不得歲正

不可以此而分星紀矣有辯星紀之非吳越者

曰吳越南星紀北然以曆家仰儀之理推之仰儀

反以觀天取光之所燭為驗則星紀在北而光燭於南其以

吳越當之者從星紀之所燭也春秋元命包牽

牛流為揚州分為越國虞翻曰會稽上應牽牛

之宿下當少陽之位此又不及斗婺女蓋舉其中牽牛

則前後二星皆舉之矣故言吾郡之分星其為星紀也信矣若其他有應在星紀而不專於吳越者又有占吳越而不止於星紀者天官書歲右轉居丑與斗牽牛俱出東方名曰監德其失次有應見柳早水晚旱班志亦曰歲星正月晨出東方石氏名曰監德在斗牽牛失次早水晚旱按二史所具畧同然柳為鶉火荊豫分是星紀又應荊豫又班志孝景元年正月癸酉金水合於婺女婺女粵也又為齊二年七月丙子火與水晨出東方因守斗十二

月水火合於斗斗吳也又為粵按吳越為斗女固矣然又以女

占故三年有七國之禍吳膠東膠西淄川齊遂

破滅伏尸流血其下孝武建元三年四月有星

孛於天紀至織女織女為婺女北星占曰有女變陳皇

后廢則女又占后宮元鼎中熒惑守南斗南斗越分越

有呂嘉王后之亂漢兵誅南越此又及於南海不止會稽之越

元帝初元元年四月客星大如爪在南斗第二

星東五月渤海水大溢六月關東大饑琅邪人

相食此則南斗亦占齊分哀帝建平二年二月彗星出牽

星經卷四

牛夏賀良等請改元建號曰陳聖劉太平皇帝

未幾卒有王氏之篡此牽牛又繫漢室興亡之運星經北斗

玉衡第六星主揚州以五巳日候之以丁巳日

候吳郡會稽此吳越又應北斗之第一行所論

星紀分野自廬江九江負淮水之南盡臨淮廣

陵至於東海登萊又逾南河豫州得漢丹陽會稽豫

章西濱彭蠡南涉越州此寧紹盡蒼梧廣西南海廣東

古百粵之國又不止一趙佗之粵循是求之自有大司徒

保章氏之說而鄭玄所定分星因焉時所謂吳

越者自勾吳於越之地言之也周之初淮夷猶

在中國之外於吳越宜益遠矣虞肇十二禹貢

九州則司徒保章之星土宜止此而春秋乃以

吳越定星紀是已濶於周禮之初意况自吳越

之外而有一行所陳如斯邈哉及推之遷史班

志星經等著而星紀之占又不止吳越吳越之

應又不專星紀班志復曰牽牛日月五星所從

起曆數之元三正之始而遷史亦曰斗牛女察

日月之行以揆歲星順逆此豈星紀之次本有

定分而其所關者大有不限於吳越之區者乎
若夫北斗玉衡執天之樞九星宜各有分主而
吳越亦與丁巳之占豈其他所入之度有深淺
緩急而其歲月日次亦有辛壬癸甲又近晨夕
之異致乎此固今靈臺司曆者之職而分符治
郡者所當躬修而俟應者也子產之言曰天道
遠人事邇舍是則吾不知之矣

形勝

郡故會稽屬邑自唐肇為明州州以四明山名四

明為三十六洞天之一

見福地記

蓋發自天台屹峙於

郡治之坤隅上有二百八十峯綿亘明越台三郡
之境迤西入東北則為錫山為大雷為蜜巖為石
樓松巖鱉山西山出石塘外為城山赭山大隱極
於驃騎天柱挹於大海北極海之陽山迤南而東
則雪竇鎮亭亘連山走鄞城越新嶺金莪天童太
白睨鄒峯玉几而東盡於穿山岫頭入海復峙為
翁山散為桃花金塘岱秀補諸山其南分天台
之支為象山東分太白餘支入海為蛟門虎蹲所

謂天設之險其伏龍之支則循沙而行莫定海之
狹口為招寶大槩山發於坤東北而走而海抱於
艮仰接下沙中為定海之江直接甬水南匯北渡
源鎮亭宅山之泉北入丈亭通餘姚江上接昌嵯
諸流合抱於郡城之下定江之南又環以小浹百
里而接於五鄉之磯又南則黃溪澹港直抵長亭
古洞包奉化之山而北則滌以曹娥益為外沙唐
餘姚縣并入蓋郡之形勝山水吐吞高深映帶東
句章蓋取此南扶輿之氣實鬱盤於斯吳虞翻云東漸巨海西
通五湖南暢無垠北瀕

浙江負溟渤控扶桑倚巨鎮吞長江蓋衣冠之淵
抱負滄海枕山臂江實東南之要會賦
數而神仙之窟宅也袁楠志地浮羸海登高而賦
輿圖嶠方壺瀛州蓬萊古稱神仙窟宅又人參天
地英材間生一郡衣冠之盛百世不改其山川之
儲精毓最其奇者丹山赤水近映天門雪竇金峩
遙瞰南障其他煙洲霞嶼雲谷龍宮水簾留鬼谷
之居蓮嶠著遺塵之蹟雖十洲既遠月湖內三島
終遐亦騷墨之所遊騁者乎其地西南阻山東北
限海非叔季之世絕鮮壤地之爭自唐大曆始亂
殆於元末而方氏入據中間豈百二十二將亦比
金人之屠則繫宋運之衰廢

之齊秦非邪乃若茫茫巨海窮睇無際番舶會集
貨貝駢臻誠足爲利而不逞狡夷弋利釁邊每亦
由此故望海之鎮自宋已經國家雄圖於今滋重
南控昌國北倚臨觀經象山則石浦錢爵扼其衝
制慈谿則龍山觀海議其後控定海則穿山嵩霧
捍其南宅翁洲則岑寶螺岱維其外朦朧雲馳砲
火颺發遠邏陳錢近把蛟口而居重於定海首尾
長蛇蓋不特郡治之壯而五邑之保障胥此爲固
矣若夫川原之互經險阻之盤礴原非四戰之地

邇者逋寇流突恒自台來然而越銅壇過虎跑即
四境之外可以制守而近自缸窰又近而西店十
面埋伏皆斫樹白書之地要在先發以制人乎五
邑分治疆域不同鄣附於郡而別敘四邑其餘文
之可徵如陸雲答車茂安書王應麟七觀張得中
形勝賦并論風俗人才備矣張詞非雅馴然譔次
昭約庶生斯寓斯可以一覽而鏡也

慈谿

縣負山而治山起於艮爲天柱峯高插天表層岡

連亘翔舞而南至乾隅再聳爲石刺峯斗絕直下
爲支隴從中蜿蜒如游龍者里許昂首左盼爲浮
鱉山縣治奠焉治之左爲上午舉東嶺出其腋又
左爲花瓶峯馬舉山清道山抵夾田江伏脉亂流
爲管山前抱于巽隅治之右爲黃庫舉爲大樣山
西嶺跨其肩又南爲大寶峯而蓬山振于申位大
抵左山秀衍而羸右山雄壯而峙環治九嶺皆騰
驤拱向即堪輿家所稱九龍戲珠之勢故又謂縣
治爲珠山新城雉堞循山而起街衢縮三衡六方

如棊局畫象坤爻闐闐整整西南其戶其前則內
外二江潮汐吞吐支流緒派包絡市廛登邑而望
江南諸山懸青獻碧若玉屏外障而雙頂山之巧
秀赭山之豐隆又爲西南之旁輔其後則滄溟迥
浸龍頭龍尾耦峙於二隅浪港掘泥諸山胥爲聯
屬烽砦相望兵衛有嚴平曠可屯隘翳可伏雖非
百二之險而扞禦海夷亦坐據其勝者也他若鳳
山西翔獅峯東踞丈亭總三江之衝抱子遠龍蛇
之狀皆足以壯邑都之觀而日月之湖並麗於鳴

鶴佛蹟之異二見於大蓬是亦一方之奇而方輿之所爲志也

奉化

奉之山發于新嵎水歸于定象度山水之會而邑焉右則華頂雄起秀叅晴昊左則金鐘逆峙勢砥中流前則文峯玉几而西山南山奠于坤巽之維後則蓮巖錦屏而銅山金峩應于乾艮之位靈泉南襟葉溪後帶而鎮亭一溪環遶三面此內觀之勝也外則東南暨海而有珊墟舍輞之橫列西北

層巒而有剡源大江之周旋流峙交雄高深互禪天成地設險不可踰此亦足以守矣若夫巖石倚霄而棋枰列象溪匯耀日而碑影呈祥梅山一勺潛應海潮雪竇名區遠孚睿感千丈之巖瀑泉飛雪九曲之溪流水涵雲鯉湖並石門之靈鳧巖埒隱潭之勝右軍硯石在六詔之巔彌勒鉢巖出錦屏之境黑水衍派巖肖龍鱗丹霞封崖洞留仙跡井叶宮商地中樂府街呈星月世上天衢山稱蓬島翠壘樓臺石號夫人卉成簪珥兩巖象鷺鷥之

巧雲峯透鶉鳩之奇此又形勝之特而爲一邑之殊觀也

定海

邑當郡之咽喉環以長江匯以溟渤蛟門虎蹲重關天設達蓬截莫而東趨伏龍蜿蜒而南首盤輿據三十六盤之勝瑞巖逞十有二峯之奇嶽岑萃崱倚矗雲隈翁山則鸞鷲星羅金塘則芙蓉青削寶陀馬跡東霍桃花含靈毓秀碧洞丹崖爲幽怪之托踪者蓋不可勝紀也招寶則屹立海口抵障

狂瀾升高縱覽旁眺八垠溟濤鴻濛浩乎無涯洪濤天際卷雪轟雷元氣吞吐地軸推移驗海潮之應月觀旭日於扶桑倏若凌虛倒影排雲御風三山赤水飛仙往來之處恍忽可得而窺也至如高麗日本琉球三韓之屬峙列島嶼若鳧若鷺若隱若見納質貢琛帆船踵至魚鹽商賈航甌舶閩浮會達吳率以是爲通衢萬竈雲屯舟師鱗萃扼險而守于今最稱重鎮焉

象山

象環邑皆山而治奠於象山之麓山形肖象因以名邑其山發跡天台蜿蜒逶邐凡數百里重巒疊障起伏隱見駟逸虬騰龍蟠虎踞厥中平行膏腴之田彌望足稱樂土東接扶桑南抵琉球西達甌閩此其大觀之槩也古昔流覽者品題八景曰伏象屏張曰玉几案列曰鳳溪環迤曰鷄籠屹峙曰丹山插漢曰滄海連天曰龍洞宣靈曰文峯挺秀非詭狀也至如瑞雲憑虛靈巖瀑布五師飛錫三萼送青亦各擅其奇絕所謂海邑蓬萊不其是乎

且山作高城負之爲固海瀦巨浸阻之爲深地匪四戰勢堪自守有警則水陸可通易於禦侮無事則山海可采便於治生茲固天設之險而地成之利也矧昌國石浦當南海之衝爵溪錢倉據東隅之會左遊仙右南堡趙魯附其背陳山扼其喉烽堠整隍聯絡布散相爲犄角使將領得人海艦不廢據險守阻以防不虞則雖姦黠萬億莫敢誰何古稱小國有扞禦之備况因其地利而爲之者乎晉陸雲答車茂安書

縣去郡治不出二日直東而出水陸並通西有大湖廣縱千頃北有名山南有林澤東臨巨海往往無涯汎船長驅一舉千里北接清徐東洞交廣海物惟錯不可稱名遏長川以爲陂燔茂草以爲田火耕水種不煩人力決泄任意高下在心舉插成雲下種成雨旣浸旣潤隨時代序官無逋滯之征民無饑乏之慮衣食常充倉庫恒實榮辱旣明禮節甚備爲君甚簡爲民亦易季冬之月農收旣畢嚴霜墮而蒹葭委林鳥祭而蔚羅設因民所欲順

時游獵結罝繞堙密網彌山放鷹走犬弓弩發焉鳥不得飛獸不得逸真光赫之觀盤戲之至樂也若乃斷遏回浦隔截曲隈隨潮進退採蚌捕魚鱣鮪赤尾鯪齒比目不可紀名鱠鮓鰓炙鬻鯪烹石首臠鯊蟹真東海之俊味肴膳之至妙也及其蚌蛤之屬目所希見耳所未聞品類數百難可盡言也昔秦始皇四方奇麗無所不有猶以不如吳會之鄉東觀滄海遂御六旬南巡狩登稽嶽刻文石留鄞縣三十餘日且彼吏民恭謹篤慎敬愛官長

鞭朴不施聲教風靡

宋王應麟七觀

東野先生發光環堵根極深寧慕白賁以息影玩
素履以洗心有南州公子儼然踏門言曰切懷太
史公之志廣覽四方之恢恠懦怪升高能賦山川
能說庶幾一二於君子之九能今至是邦也願啓
我以偉觀博我以奇槩先生曰余臥游詩書之園
跡不踰几席敢誦舊聞吾子自擇焉昔嘗窺宛委
之簡見神禹之山經東有山曰句餘實維四明南

餘姚北句章二縣以爲名即山氏州倣自開元之

盛

叶成

其山巖嶭龍嵒豁舒欽峯駿極顥蒼危碧峭

青方石四面天劃神剜出入三光牕豁牖欲對修
眉於天姥接五界於金庭茲謂赤水之天瑤扉闢
而不扃松晉羨期之儔來宅來燕彷彿壺瀛駟虬
絜鷺娛翔紫清山中人兮冠切雲駒皎皎兮鴻冥
冥或梯空而上或履雪而行從逸老以逍搖賦二
韭與三菁景幽棲之至行道義重而貨輕珍木嘉
草蔓藟專榮沾甘濟芳有果青櫛茗十二雷采櫛

區音勾萌川原出焉練澄黛渟雲蒸雨降豐我稻秔
其下桑土蠶綸七侯切繭純紅女織斐交校吳綾躡
跂躡即展以攀躋徑沓嶂之紆縈係叅同之伯陽
佇客星之子陵軼埃塈乎區外遑飛遯而離羣安
石之東山謝敷之太平咫尺可尋也爾乃地載神
氣支分脉聯大隱之峯名士揚適生焉鳴鶴之岫
二虞喜荔朶焉將與子朋霞侶月釣石耕煙諷遠
遊於穹谷吟考槃於鳴泉分靈藥之刀圭友造化
而飛高玄倘有意乎彼謂鰐鮫霧溼之蟠鬱未知

有建德之國空同之仙公子曰愚行天下睹終南

嵩岱之高興公

孫綽字

登陸褊矣先生曰觀於海者

難爲水駕言徂東浩漾滄溟羲和浴於搏桑日杲
杲兮金鉦朝朝夕汐與月虧盈有鮪如山從以鯤
鯨神虬襄首吐雷嘘雲方其駿濤虎浪之興銀峯
萬仞雪屋千層歛空兀嶽沃日吞江雷公爲之矍
矍天杭爲之蕩震真盧賦竇志未能該也穆之燕肅
字圖論目擊其真天門之水灌漭潤澹泫泫汨汨
遠注析木三吳轉粟粲粲粒玉饑毗印哺檣連尾

屬負舶迅舸蠻縲似接切夷琛東泊青徼南薄朱垠

登山而望渺渺鷗鷺之浮天根候五兩以颿颿爰

居戢而激氛雕題卉服馭音韓貊鷄林揚柁東門艤

鷁江濬爰有狡狴犀象翠羽火齊薇水龍鱗之馥

郁蟻珠木難之瓌麗杜揚蘇鸚杜揚編言奇寶所未編辛文

計然字不能計世道宏隆如濤降升蓋獻龜于明者

治之屯雨毛于鄮者亂之萌在昔勾踐疆宇至鄞

仰瞻沼吳蒲羸之濱曰甬甸東浹口外州戰爭蟻

穴興亡貉丘秦政騁欲狼心未滿游鄮踰月從流

忘反海水羣飛洪荼于民一瞬為墟鮑車魚魯逮

漢六葉濯征東粵句章出師命臣韓說典午末造

妖寇鴟張裕以豪英往戍句章唐季不綱盜覆此

城巨容劉姓筒箭獲醜策勲想霸諸夏吞六王之雄

圖鱗舟兕楫射蛟之弧殿殿闐闐愴陽侯駭天吳

矯矯三將如熊如羆雷矛雨矢揃子踐切刈攘除威

殫勢遷鮒入鯢居昆明幾劫桑田半蕪吾將放其

遺躅既堙沒而無餘矣建炎凱獻於高橋六飛安

行於海蒞隱士相如劉姓揄忠納說何懋賞之漻漻

豈亦若新城三老之縹緲莫狄切規切千古以永氣澹

東波之無窮誦往聖之緒言謇乘槎其焉從壯魯

連之高蹈閔精衛之深衷子好游乎公子曰水至

平端不傾心術如此象聖人不在險也請更端以

教先生曰海物惟錯雋味崒焉任公垂餌便巨營

切揄竿波臣效異鱗萬介千寸鮫腹蟹亭以埼名

漢律獻醬惟遠見珍蚌菜疲民君嚴孔殺字奏免貢

纔鱮骨元豐仁儉資蟹蚌蛤蟹鯨鮠鮓首石齒鋸

赤尾比目續品類之數百愉茂安之慘蹙亥市攸

聚水族有簿兼韓子之南烹藹鱉蠓與章柱雖石

華海月之詩綺貝繡螺之賦弗能殫舉東晷余之切

之鰓魚容切邪頭之鮓眉便切潘國之魴且甌之蜃珠

鱉紫紘居怯切其來如雨鱣魴鯨鯢數以盆鼓於是

擊鮮鼎食羞用膳經嘯父蝦側下切煮切宣子魚飧陳

登之鱠虞棕之鯖芼以秋菘醑以冬橙掇苔髮以

為菽醉螯杯而未醒若乃潤下作鹹散鹽為貴宿

沙肇音鬻音而海王去聲之筴祈望之守昉於齊而征

利漢郡設官三十有六會稽則海鹽居一此三縣

猶未置也考諸唐志鄞始有鹽晏巽管榷法寢以

嚴海瀕稚耆弗能音耐苦淡若作和鬻甘者鹹鹵音減

酌醴燔枯鱮鮑恣啖繇是亭監棊布牢盆歲增負

塗山積藜素雪疑剪竹箬以供煬釋耒耨而肆勤

一希俱便切三斛川浮陸馳行商通其債音鬻巡院譏

其私蓋日用飲食不可以無朝齏箬裹其功與醯

醬俱馬齒水精冰鏤霜明古云食肴之將詎屑玉

而噉瓊東箭落莠越竹筍萌楊氏之果染霞垂星

鹽去聲為夏槁屏羶撤腥飶高裴之菜食奚猗氏之

足云魚鹽之蠶民殷財阜不謂之樂郊邪公子曰

海加租魚不出鹽顛利而人窮怨不聞蕭望之朱

文季之言與吾冬饘夏越丘舉切藜羹不糝味無味

夫何慊願聞所以利民者先生曰先民有夏盡力

溝洫魏之豹起漢之倪白疏泉灑流沕涌膏澤維

鄞之邑厥壤鹵舄原高隰下易曠以溢相時鍾洩

守宰道職我懷休明循良輩出幹造化機卷舒神

術有豐無窶潦霽惟一觀乎句章漢陂之舊內史

修復所居民富言觀乎南湖曰小江溉田置堰元

暉氏王蘭鞠無絕如古桐鄉觀乎西南堰曰仲夏

頃凡數千雨我多稼築者季友姓于惠以厚下湖有

廣德寔在西界刺史曰侗姓任增修勿壞夷庚起隄

响也建埭誰其填闕利微害大發議請復志不克

遂唐有西湖爰在東郊陸令開廣農殖嘉苗湖姓

以錢亦處東鄙受溪七十二環塘八十里四牖七

隄重治者李即夷庚漉漉清渠有蕤有茨有蒲菡萏

煙海鴈鳧盖自晉以來遏川水種既浸既潤民食

無方勇切芟介甫鳴弦乃隄乃陂瘠土衍沃遺黎之

思吏隨以窳棄稷弗務新溝之歌靡聞均水之約

莫舉剛澮塞而圻龜坊庸圯而涸鮒曩晦一鍾今

食二釜孰能論夫愛民者塗之人可以為禹公子

曰佐耕以水展也民利思不出位吾將有俟欲聞

閔大傑特之觀無隱乎爾先生曰明多名山竺乾

氏居之寶地金繩祖花禪枝南有雪竇東有太白

飛瀑淙淙層巒巖巖魚轄切大梅之巉嶸衣荷淦松

之詠澹如也玉几之岑巖神耀得道之銘炳如也

吳氏子真松風隱居陳蹟故在是邪非歟文正范文

正之詩大年

楊姓

希白之筆釋子之所夸詡存乎否

乎雖然著本論者惡其學幻而言龐意者避世之

士髭髮濯纓岑蔚林密魚潛龜藏思昔山人有徐

名廣孝經之指王

茂剛蔣季顧主

三隱席珍韞璞不

斲流俗之知己

李姓

也自謂似龐蘊僧騰客之該

洽故老稱美今崑崙之下豈無草耕木茹匪黃匪

緇蟬蛻囂滓欲徃從之耄且休矣子謂斯何公子

曰姑舍是側聞是邦鴻生碩德所治教也南豐曾

子江漢星斗之望牧於斯忠肅陳公雪竹霜栢之

操貳於斯船司空則以道之鼂倉庾氏則子約之

呂正學參前修姱節映終古前代令有瑄

房姓

長史

有吉甫

李姓

未足數也文獻濡染必有聞而知之者

敬在下風先生曰明士鄉也有越大夫種之英風

其人通達而多能有大里黃公之高標其人恬靜

而自珍董子以孝行著愛親者式其儀刑任奕以

文章進摛藻者襲其芬馨宏雲光修四士尚義挹

其勁操思特立以獨行故虞仲翔以俊異之生為

海嶽之精陸士龍因吏民之謹知禮教之明屯艱

否閉堙曖湛冥宋以文治賢路恢弘丘樊緼褐化
爲神纓邑校求師再書延致斯廣川之淵源也順
昌嬰孺以俞爲字斯新息之慈仁也孝通神明凱
風終養斯朱康叔之純誠也引裾強諫辛毗其直
鉤黨掛名范滂自出臨難盡節解揚之匹石交歲
寒之死不渝信義如漢脂習郤賈胡之賻持玉雪
之廉父子如魏胡質之人也編典錄而無媿令譽
焯乎日星下逮里巷則有旌閭之揚掌庫之童若
兔且中林之好德菌薈一時之榮華荃茅萬世之

淑慝彼鍾黃之竊據邵乘幾於曲筆先生言未旣
公子起而稱曰鄭圃澤多賢衛多君子魯東海多
卿相汝穎多奇士居使然也蓋語其詳先生曰世
族嬋媯重圭累組位槐調鼎宅揆惟五袞鉞焜燿
乎宗翰衡樞舄奕乎該輔牙纛畫繡差肩踵武紫
艾紛綸常伯亞旅庠聲序音洋洋鄒魯習鄉上齒
長少有序流品別渭涇公卿列韋布俎豆秩秩章
逢楚楚凡周之士亦世吾州之俗近古春秋二高
開元之說詩禮曹粹鄭鏗之詁殊科首登於蓬萊

倫魁三冠於龍虎名茅廕仕多桂實桐韓之疊矩
又有文章授訣孝弟彙聚瀟山清篇武子妙句潛
虛有辯杜集有注家自以爲舒向人自以爲揚馬
茲可以言文獻乎公子曰媿則媿矣然世祿非不
朽科舉外有學願識其大者先生曰故國下車喬
木蒼蒼理義雨露名節風霜古之遺直曰豐清敏
排姦詆奄讜論廩廩託興荷花聞者歛衽慶曆師
儒燕及孫曾曰樓宣獻斯文統盟有德有言旣和
且清泗沂絕學闡自關洛朱張呂子緒承先覺臨
川二陸自得於心若異而同爲已功深淳熙四儒
探賾性淵並游三先生之門獨契陸子之心傳處
則講貫以淑艾仕則善教以昌言長庚曉月惟楊
暨袁袁亦有子受業于楊進禮退義家學用光春
木芑兮高山仰止人固亡而書存世未遠而道邇
顏何人哉希之則是若昔魯廬江贊名德先賢沛
三輔序耆舊節士後有作者孰謂知管晏而已公
子肅然改容離席而拜曰廣哉觀乎井鼃甕蟻昭
然開明乃知西河俗美以子夏北海風移由康成

文藝抑末歸根六經滌源雖本敬義明誠鄉黨之
化漢學是崇讀書尚友作聖之功闕里近只遵海
而東從羣叟兮問途貫今古兮心同

明張得中形勝賦

甬東故郡寧波新府域占維揚星分牛女夫差封
越於其間勾踐徙吳於厥處嬴秦置鄞縣之名炎
漢隸會稽之部唐號明州宋陞節度紹興則更爲
慶元有元則改府爲路際我 皇朝作興斯土觀
其俯臨渤海高枕羣山大江帶其東北太湖漫其

西南蛟門屹立自天設險虎蹲雄踞阻海爲關日
本琉球之列國高麗閩廣之諸番揚帆來貢舉棹
回還魚鹽輻輳寶貨滋繁喜黎氓之富庶宜田野
之寬閒若夫丹山赤水之洞天方丈蓬萊之仙島
鄞峯凭玉几之高雪竇瞰金峩之好松風廿里天
童瑞應於長庚寶塔千尋舍利光騰於晴昊大梅
登禹廟以爲梁丹桂入禁林而品藻它山疊石久
推諸堰之尊天井潛龍屢應甘霖之禱兩湖涵日
月之華六縣出東南之表若乃虹橋壓水雉堞連

雲樓臺突兀金碧嶙峋梵宇傳燈於三佛鯨門閱
武于千軍衆樂亭開見輿情之悅懌鮎埼亭在知
海錯之紛紜由是土地鍾靈人材英傑黃公應聘
以安劉賀監休官而歸越隱居虞喜千載幽局好
學闕生一區舊宅忠於君者孫沔樓大防孝於親
者董黯張無擇豐稷論蔡京而憂國柄之危陳禾
論童貫而引御衣之脫林侍郎獻龜鑑之言高憲
敏集春秋之說俞充舒亶讐服羗夷劉俟姚莘祛
除虎穴汪大猷居翰苑之榮袁廣微總天官之列
鄭清之條十事以前陳樓迂齋選古文而有訣八
行史太師之後一門三相功業巍巍大隱楊先生
而下九老同祠儒聲赫赫編玉海之書者王應麟
著日抄之書者黃東發袁伯長有清容之藁程端
禮有讀書之法文獻相承簪纓不乏至若寵膺祿
秩仕宦茲邦房瑄起慈谿之邑宰荆公居鄮水之
琴堂陳了翁著尊堯之文集曾南豐稱蓋世之詞
章范成大從容乎郡守柳耆卿題詠於鹽場揆古
如斯于今何似人材輩出乎俊良仕宦鼎來其君

子錢唐爭舍奠之儀傳怨纂有元之史鮑忠持節
神明之號連城陶鑄廉閩天眼之謠盈耳桂彥良
任師傅於王宮單仲友播聲詩於玉陛余唐典郡
德澤猶存孔泠親民芳名不死羗濟濟其多賢莫
區區而殫紀嗚呼山川形勝兮固足瑰奇人材兼
美兮信難得之矧在德兮不在險爲之守者在四
夷繫文風兮丕振偉吾道兮增輝民俗還淳於前
古官師迥出於當時幸綉衣之攬轡采閭巷之歌
詩愧鯁生兮淺識敢拜手兮陳辭

風俗

自昔神禹會計足跡於上苗而郡以句甬屬聖人
過化之澤蓋其所從來遠矣既而無餘建服胃行
神明歷商周之際漸平聲被聲教故其民皆勤於身
儉於家力溝洫奉祭祀有禹之遺風焉逮勾踐崛
興去華即夷事鈎盾驅長鬣敗吳滅吳力爭於上
國而民遂感憤赴鬪無復豈弟之風火耕水耨習
漁獵信鬼神好淫祀樂拳勇角觝之戲不恥鬪力
此豈其流乎漢唐以來方輿日闢而吾明介在土

中偃干戈修職貢薄秦晉之習而競美於齊魯君子尚禮庸庶淳龐市鮮穿窬之姦野絕白晝之剽其俗一而不襍其人畏法而易治比之他郡亦其選乎乃若學開任闕世南父子以一門揚其波瀾而家詩戶書遂成文藪姚傅袁方胥以雄詞魁天下自餘諸子或振洪響於纓綏或流勲華於竹帛踵不絕武郡之人文蓋彬彬稱盛矣

國朝蕩掃腥膻播敷休命諄諄導之以儉節循禮而朴茂淳實之遺黎蓋不啻風之偃草也農狎于野婦勤蠶織商賈鬻漁鹽工供日用絕無四方奇裘之物男子戴平定巾女子堆笄皆衣布素服即高貲厚藏不被綺綉婚冠一從簡朴僅取成禮賓至則擷蔬炊糲以爲餉最其隆敬者乃有鷄豕蟹魚率不過四簋或五六簋或七八簋而已女子不出戶出則男女別於途少者見長者即肅肅長揖屏息道側過之隣里不相侵竊外戶闢而不扃龐不夜吠捕吏不入於鄉雖王化所薰大都其習然也青衿之士亦皆甘於菲陋不羞葦葛昏旦閉戶

誦讀絕鮮他營後進見先進於學宮則逡逡聽命呼之則唯而趨諸齋長則子弟視之以爲當然也比年以來精華日漓而漸競文飾侈聲華揖讓容止縟儀炳爛交際賓朋物錯腴腆覩其表其裏鮮有存也其甚者務雕鏤侈崇大競綺縠珠玉薄布素擯之賓筵珍美至割衣食而婚嫁之具或移業產之半居喪集弔客極體薦肴蒸以爲盡志而導殯復裝束綺繡行以梨園歌舞參於哭泣遊履富於擗踊其又甚則入無甌石之儲出衣華繡之服

昔人所譏今乃快之矣少不遜長而輿蓋交於途親戚相暴隣里相盜強攫弱肉而啖之又攻告訐以迂官府往往園棘坐善良而拳牯不施於豪暴欲民之無僻得乎乃其士人亦有罷誦讀而甘佚遊恥惡衣而不恥枵腹至侮先生長者以爲無聞知回視昔日之質行何如哉五邑風俗大抵皆同別而言之則鄞之風散緩其俗迂闊而善妬廢興禍福不相爲也慈之風矯厲其俗尚文而善黨奉之風鷙健其俗負氣而矜高定之風脆弱其俗習

勞而寡營象之風朴其俗好競而服義要之中國
文物之區 聖明禮樂之化箕範豳風存者猶什
之六七未可以時變少之也鄞事槩詳於郡自餘
四邑有不能一者復爲之附見如右

慈谿

慈谿自唐房琯建縣取漢董黯孝養之蹟爲名蓋
立教以孝云嗣後張無擇孫之翰繼之稱三孝鄉
民益敦倫而尚行前宋治平中得杜醇爲學者師
青衿之士皆知興起道義建炎南渡衣冠士族覽

山川之秀多卜居焉科文始盛至今名族率稱汴
宋遺宗慶元以來慈湖楊簡得象山之學以訓迪
後人而文潔黃震獨宗朱子雖門戶不同而淵源
有自皆知尚廉恥而畏清議名卿先達忘其貴勢
與里黨相齒讓絕無侵漁暴橫之習君子小人各
安其所然土薄民稠貨出無贏而商賈鮮少儒業
雖隆游惰襍糅富籍不過千畝僮養不能過十人
成化弘治以前率尚約素雖風氣則然亦物力有
所制也邇來生養蕃庶本業不增而習尚侈靡士

庶效尤於宦族篳門攀附於華宗嫁女或至於破
家治喪不難於鬻產乃其俗多溺女停殯有出然
矣至嘉靖乙卯夷寇深入荐罹焚劫蕩然無餘繼
之築城又繼之兵費諸汎濫科率數倍於正供民
生僅脫於煨燼創痍者繭然如譙尾之雛婚喪宴
祀一切簡率居室僅編籬落困蹙無聊苟求生活
是又獨苦於他邑者使官司躬行節約縉紳惇朴
以倡齊民則多難興邦茲又其會乎

奉化

奉爲古越地其民受性剛直而樂於承奉王化故
開元建縣以奉化名地不夷衍兼藝山坡海鹵以
食而民常勞水不涸停外方境內之物不得轉貿
而民常嗇嗇則不給於華靡勞則不遑於淫佚故
其俗敦朴務實憚於非僻而道之以禮義則易從
由五代宋元以迄于 國朝咸稱爲詩書禮義之
區男女厚別長幼遵序宗盟有恩比黨篤誼輕勢
利而厭芬華爲農則勤田畝黃髮嬉遊于閭巷國
賦易徵王法罕麗貴家右族崇尚儒學而編氓之

下伏者亦效而趨之雖不擬於可封之俗亦庶幾
哉古之遺乎其後乃有矜負尚氣往往以小忿而
興大訟即蕩產不顧亦有趨時所尚徇奢僭而拂
禮經談者慨焉乃者兵變相仍官司又殘以峻法
亦稍稍戢約矣

定海

定濱大海居斥鹵之中其土瘠而無灌溉之源故
畊者無終歲之給然瘠土之民嗇而能勤勞而能
思故其俗甘勤苦務織作溫柔敬愛有無荒之風
焉然利近東海民資漁罟出沒衣食之源過於農
耕遂多重彼輕此野有蕪土而人便風濤又其鹽
之所煮與象相峙雖燠雜多憂亦庶幾免於艱食
乎自沈端獻倡道於宋詩書益衍明興張信首魁
天下文學輩出彬彬髦士擬跡鄒魯矣然其地薄
故室無再世之富其民貧故鄉鮮綺麗之競其性
弱故催科易集而甘安於無聰其習浮故民易動
以訛而不可質的其時變所趨亦有捐生觸禁以
謀不貲之利騁枝葉之詞興無根之訟昔人謂巖

谷所居有老死不識城郭者竟安在哉

象山

象山重巒雄峙大海周環民多剛勁而質朴利漁鹽務稼穡樂於家居而憚於遠出去家百里輒有難色語京師則縮縮喪氣其常也有宋南渡臨安帝都者儒名德乘時自奮於是彬彬多賢才文學之士矣其俗質而民易治事簡而賦易供宦遊者謂之海東道院非虛語也黔白守畝畝嬉遊不出閭巷士習惇切無有欺傲鄉薦紳與親故結耆社

相往來不屑爲尊貴態服食菲朴薄綺縠珍異不御婚娶論良賤而不論貧富吉凶皆稱其家識者尚之弘治以降乃稍稍變矣民或好爭訟即破家亡身不顧村落之民習官府而耕鑿者競爲屠沽奢侈佚遊欺詒陵厲舊風爲之一衰矣兼以土狹民稠無雄貲厚蓄隔海阻山而泉貨難通比來海寇頻擾歲復多侵而官調私誅追呼督責民不聊生率詭法以逃譴而幻罔日衆俗斯愈下矣

歲時節物附五縣皆同

寧波府志卷四
三十五
元日先夕汛掃室堂及庭五鼓而興設香燭男女
禮服拜上下神祇陳果餌酒饌以祀其先序拜尊
長男子則出拜宗族親戚隣里謂之賀歲家各具
酒食以相延欸

立春日府縣先日以綵仗迎春至日祭芒神試耕
種各家作春盤春餅飲春酒
正月上旬之夜女子邀天仙或廁姑問吉凶

元宵自十三日夜四街各設竹棚綵障懸燈其上
祠廟皆盛張燈遊觀達曙或以火藥爲錦樹之戲

至十八日乃止

里社祈年元宵各坊鄉之民輪年爲會首集衆祀
里祠設醮誦經祈福境內名雨水會

清明各家爲青糍黑飯牲醴祭墓封土插竹掛紙
錢于顛門壁皆插柳或簪于首

立夏炊五色米爲立夏飯

四月八日浮屠浴佛

端午取菖蒲及艾插門戶或繫以綵勝佩於身爲
衣香置之篋笥襟菖蒲雄黃和酒飲之以辟邪穢

毒爲角黍駱駝蹄糕祀其先親戚各相饋遺
七夕婦女陳瓜果乞巧

三伏寺廟皆設醮婦女走禮神佛

中元各家以牲醴羹飯祀其先緇黃之流誦經供
佛謂之蘭盆會

中秋士人家置酒酣燕翫月爲樂每至夜分乃止
以月餅相饋

八月各鄉祠廟爲會祀神以龍舟競渡謂之報賽
與各處端午競渡不同

重陽士人登高燕賞以茱萸泛酒飲之各家製牡
丹糕方粽親戚轉相饋遺

九月在城各坊各輿祠廟神像游行街市導以兵
仗綵亭金鼓樵劇各相競賽觀者塞路謂之社夥
冬至各家具香燭以禮神祇及先祖惟仕宦之家
有具牲醴以祀其先者

臘月二十四日各家拂塵其夜祀竈
歲除前數日各以牲羞果餌饋送親友謂之饋歲
除夕各具牲醴祀神謂之送歲以酒饌祀其先既

而召親隣或聚家人而食飲之謂之分歲明燭燒香或熾炭燔柴長幼坐以待旦謂之守歲先期預備品物為新歲之用罷市數日蒸米為糝新歲復炊而飯之換桃符寫春帖易門神謂之從新燒生盤爆竹燔蒼木辟瘟丹謂之辟邪

寧波府志卷四終

寧波府志卷五

志二

南京兵部尚書郡人張時徹纂修
寧波府知府蜀威遠周希哲訂正

山川

府

山

四明山

府西南百五十里為郡之鎮山由天台山發脈向東北一百三十里湧為二百八十

峯中有三十六峯周圍八百餘里綿亘本府之奉化慈谿鄞縣紹興之餘姚上虞嵊縣台州之寧海諸境上有方石四面如牕中通日月星宿之光故曰四明山東七十峯狀如驚浪境接向章郭璞言

後五百年當立州治至開元置明州適符其言山
西連脊起峯狀如奔牛曰奔牛山中有三朶峯鼎
足以立漢張平子居焉中有石室西南有五朶峯
狀如芙蓉峯相望各去六里中為四明山心五朶
峯東一峯高六里周十里峯南一巖高一丈深七
尺中有石穴通泉流于黎洲穴生甘草又多古杉
栢瑞雲西一峯高四里南有石室下有石枰相傳
劉阮居之南一峯高三里有石壁壁出數穴生石
乳北一峯高四里峯頂有天井雲氣吐吞山四面
各生一樹東生梓西生松南生栢北生檉及黃楊
其山頂極平正山南聳七十峯狀如驅羊其峯蹲
者曰蹲羊水源十丈有神蛇居之吐靈氣如樓閣
可禱雨山足一澗南出一百二十里水歸鄞江溪
上一山宋有捕魚者入或云應則也則初入山甚
秀麗既而暝晦號曰大晦山東一峯下有龍窟逸
士陶源探望如樓閣號曰小晦山南八峯如疊囊
號八囊山山北有兩陣山如走蛇梅福隱越嘗遊
焉謝靈運山居賦天台桐栢方石太平二韭四明

三與三菁三菁太平之北諸山神仙所居由鄞小
溪而上為東四明由餘姚而上為西四明由奉化
雪竇而入則謂之四明山蓋山其支山有杖錫前
勢蜿蜒與連屬與三境相犬牙也
七峯上有四明山心四漢詩
字唐僧經飛錫至此故名
大雷 即謝遺塵所隱之
南雷詳第宅志
鷄籠 烽火樓 峒山 內
四洞或云 鰲山 西山 元進士戴表元四明山中
即四總 鰲山 詩曰劉郎一去杳無蹤白
水青山只故宮欲問巖前老松樹人間禁得幾秋
風 國朝知府張璜詩曰七十峯巒起碧空巖然
石頂四總通光分日月玲瓏處氣吐烟雲遠近中
西控稽山低莽蒼東臨蓬海接鴻蒙自從劉阮遊
仙後溪上桃 府山 郡守胡榘取五方土積之成山
花幾度紅 府山 郡守胡榘取五方土積之成山
以鎮 嶺 嶺 府治南一里許高五尺下有石脉
治城 嶺 嶺 自錫山來為府治近案宋天禧中

李夷庚守郡精地理之學
以土增高數丈歲久漸平
廬于上逼近寶雲寺
或云寺以此名

川

大海

環府境東際鄞之嶺崎湖頭蔡家壑東北際
定海之招寶山後海塘西北際慈谿之觀海
龍山東南際象山之爵溪東門奉化之鮎埼裏港
海潮自定海入鄞江六十里至府城東北分爲二
江西北通慈谿東南通奉化潮汐往來各有候其
在鄞初一十六日子未午未平初二十七日子初
未初平初三十八日丑正未正平初四十九日丑
未未末平初五二十日寅初申初平初六二十一日
日寅正未正平初七二十二日卯初酉初平初八
二十三日卯正西正平初九二十四日卯初酉末
平初十二二十五日辰初戌初平十一二十六日辰
正戌正平十二二十七日辰末戌末平十三二十

八日巳初亥初平十四二十九日巳正亥正平十
五三十日巳未亥未平定象以次而早慈奉以次
而遲頻海多颶風南越志云颶風者具四方之風
也常以五六月發未至時鷄犬爲之不鳴嶺表錄
云秋夏間有暈如虹者謂之颶毋必有颶風小坡
蘇過叔黨賦云斷霓飲海而北指赤雲夾日而南
翔此颶之漸也發則排戶破牖損瓦擗屋礮擊巨
石揉拔喬木勢翻洶泮響振坤軸鼓千尺之清瀾
諸百仞之陵谷濟之以雨尤爲可畏禾已花實而
有鳥石塘三一在馬秦嶼一在下塘頭千步砂一
在桃花嶼百年之間或卷砂以爲堤或推石以爲
塘中成膏腴不以人力然則海變桑田非虛言也
又去馬秦嶼東名查浦夏侯曾先地志云吳伐越
次查浦深入至此宜勾踐之不能忘也其在翁浦
中又有鼓吹山其陰曰戰洋曰馬嶼其對即偃王
祠也世傳孫恩之窟亦在此按恩自其叔泰以臯
誅即窟海鳥史雖不指鳥名以地考之隆安四年

夏四月寇浹口入餘姚五年二月丙子又自浹口
 攻勾章及滬瀆海鹽之敗自浹口復竄于海浹口
 蓋今定海昌國之間虎蹲蛟門之側也跡其出沒
 皆由於於是則其窠穴容有在此者今之遺址為偃
 王為恩未可知也宋天聖間刺史燕肅著海潮論
 其畧曰或問四海潮平來皆有漸唯浙江濤至則
 亘如山岳奮如雷電水岸橫飛雪崖傍射澎騰奔
 激吁可畏也其奮怒之理可得聞乎曰或云夾岸
 有山南曰龕北曰楮二山相對謂之海門岸狹勢
 逼湧而為濤耳若言狹逼則東溟自定海吞餘姚
 奉化二江併之浙江甚狹逼潮來不聞濤有聲也
 今觀浙江之口起自纂風亭北望嘉興大山水潤
 二百餘里然以下有沙潭南北橫亘隔得洪波故
 潮來已半濁浪擁滯後水益來溢于沙潭怒湧勢
 激起而為濤非江
 山淺逼使之然也
河 **翼河** 府治西北百步四周學
 憲檄治復未竟 **池** **翼池** 學宮西並河為邵姓 **府池**
 其二總督胡宗

鄧山堂前後各 **清瀾池** 在奉國樓之南五十餘步
 一今故址猶存 後郡守李夷庚又浚 **泉** **梁公泉** 府治內正心堂後
 之以其土益鎮明嶺 **昌黎泉** 府治南二里南倉
 十二年守梁汝嘉建亭 韓仲通建亭 **渠** **顏公渠** 自鄞桃花渡而東迄定海
 干上故名今亭廢井存 其土故名 湮農旅病之宋淳祐六年制帥顏頤仲役工浚之
 越三旬而故河盡復廣五丈深丈二尺鄞令趙希
 菴定海令劉仲襄慈谿令季鏞各因所隸董其役
 郡倅張琥總之民頌其德因刻石曰顏公渠歲久
 淤塞 國朝嘉靖十五年 **湖** **漁湖** 在四山相
 年鄞定二縣大浚治之

鄞

山 附嶺巖巖嶼峯洞坑壑

龍山 縣東三十里與定海陳山界狀如游龍故名四明山發脉迤邐自南而東北至此

山 縣東三十里相傳鮑郎嘗見鹿射之就視之乃山之石因以名至今遺鏃尚在默而搖之則動

語則 **陽堂山** 鹿山之南俗名青山四 **賀山** 縣東三十里不動 **陽堂山** 面懸絕下有鮑郎墓祠 **賀山** 十里按

十道四蕃志云海人持貨貿易于此故名初縣在賀山之陰乃加邑為鄞俗傳鄞邑在鹿山者非

橫鼻山 即橫山賀山 **省窰山** 橫山東三里許邑鄞東二里許

同谷山 省窰山之東以東西兩鼻同一谷口故名嶺嶢崔嵬融結靈秀玉几左肱太白右肱

大涵居其前靈峯居其後內有三嶺一石城落通定海深鼻一魚山通定海大磯頭一長山通小浹

港先時山麓與海相際海中百貨入此貿易故谷口舊名後塘街此為鄞縣故城無疑又有都巡檢司今為青山行祠俗名寶幢大廟西去半里許曰下庄宋有酒坊司至今土人掘地嘗得甕甓之類

阿育王山 同谷山之東昔阿育王見靈建寺其下有極目亭望海中山如丘垤 國朝知府孝感張

贄詩曰萬松夾道隱鳴鐘望入承恩紫翠重古陌行詢馴野雉禪堂延話起潭龍雲霞長護金沙井

日月平臨玉几峯記得坡翁曾解帶公餘猶得暫從容成都高第詩曰玉几山前列畫屏金沙泉上

飯青精野鷗渡水客愁破空露濕衣秋思清漫采瑤花悲落日閒觀貝葉嘆浮生故園巖壑知誰主

是處風煙重我情雲間沈愷詩曰凌風探海窟半日與僧便身在青霄上人依北斗邊乾坤分楚越

今古此風烟欲訪洪崖跡思餐玉屑泉知縣辰州胡鰲詩曰名山開玉几舍利擁瑤臺古木天邊起

溪光谷口開烟霞任出沒樓閣獨崔嵬夜靜收餘雨鶴鳴何處來郡人張邦奇詩曰記得當年黃鶴樓

樓凭闌時俯漢江流鄭峯今日層霄裏幾點青山海上浮主事豐道生詩曰罷却觀燈出郭來東風一舸上蓮臺滿樓春雪花舞度嶺殘陽寶地開

櫻葉垂壇搖鶴翅梅枝傍席藝龍煤遠公正入東
 林定何日寒江一渡杯張時徹詩曰本是烟霞客
 青山夙有緣松筠隨處好猿鶴與人便拂袖雲中
 語聽泉石上眠逍遙堪避世色相為誰傳其二蘭
 若依山腹朝霞起樹顛但從樵徑引直到斗牛邊
 瀑布垂青壁藤蘿掛紫烟相將憑玉几洗藥問靈
 泉又極日亭詩曰曲徑緣青草孤亭占碧空望窮
 三島外身在九霄中霞起群峯亂波翻夕照紅翻
 然振衣袂直玉几山阿育王山之前白雲山玉几
 欲駕長風南宋建寶慶顯忠寺以東石山縣東三十二里一
 賜趙希言廢址尚存勝西大涵山縣東三十五里瀕水而秀天霽聖姑
 山石大涵山風晴則水光山色上下相映勝西大涵山
 山東五里西亭山淵人擬赤壁之勝並山而居者
 多錢高二姓青山西亭山南二里許峯巒疊白石
 又名高錢山翠春時騰紅粉白如圖畫

山縣東四十里白石玲瓏峯巒削拔上有神仙石
 棋枰下臨東錢湖一名火山海船見以為怪
 簪箕山縣東五十里小白嶺上元朝請大夫盧元
 今呼為盧家大跨山縣東五十五里太白山南
 山下有元墓庵跨山瀑布懸崖名水簾洞上有
 鬼谷先太白山縣東六十里視諸山為最高其巔
 生祠太白山有龍池雲霧蒼勃生干水面若翼
 日晴霄澄澈如鏡或風振林木葉落無墮池中者
 旱禱雨隨至山以大白星得名或曰近有小白嶺
 故此為大白也宋舒亶詩曰何年杖錫此徘徊天
 上真官為我來芝圃鶴歸香火冷石基空鎖舊花
 臺天童山縣東六十五里晉永康中僧義興結廬
 太白星上帝遣侍左右言訖不見太白天童之名
 昉此前有玲瓏石巖支徑透其絕頂景象絕嘉宋
 王安石詩曰溪水清連老樹蒼行穿溪樹踏春陽
 溪深樹密無人處惟有幽花渡水香國朝知府

三山鄭瑒和曰碧山雲盡樹蒼蒼十里松陰半夕陽行到石巖清絕處曇花芝草暖生香孝感張瓚詩曰春日遲遲步暖沙却慚漢使遠乘槎王珂聲引巢松鶴鐵鉢香來伏澗蛇白石玲瓏生蕪暈紺園芬郁長茶芽當年童子多神異薪水曾供老衲家郡人張時徹詩曰徑轉諸天近淵深眾壑歸山峯長碍日松霧細沾衣展席依青草題詩對落暉却憐雙白鹿時自欵巖扉其二石壁凌雲出祇林傍日開入門聞梵語說法有瑤臺樓倚千峯又天空獨鶴來高僧知愛客頻進紫霞盃邑人盧鎮詩曰高世原非志名山獨有緣為探諸法界來上萬松巔巖瀑晴飛雪林垌夕起烟便應尋惠遠結社共長

大慈山 縣東六十里東錢湖中有大慈寺史年溪橋芳草深碧池涵日月斷碣倚山岑架石歌成屋穿雲宵作林黃精隨處好早晚合抽簪

隴山 天童山西二里

阮山 大慈山東南七里舊有廣福院

朱長山 寶

龜山 俱縣東南六十里

珠山 俱縣東南六十里

象坎山 縣東南五十里又名范家山

福

泉山 東錢湖之東南去城六十里

安石嶺山 縣東南十五里有王

二靈山 縣東南五十里東錢湖中四面環水上有霞

安石祠 因名

山 縣東南四十五里東錢湖中四面環水上有霞嶼寺寺有望湖亭張時徹詩曰烟霞探不極猶上望湖亭孤嶼懸明鏡群峯轉畫屏舸舟浮月白松檜匝雲青盡日山中醉人言是謫星

月波

山 東錢湖西北與霞嶼相峙上有寺張時徹詩曰何處探仙窟青溪有化城雲從山闕吐月自鏡中明倦與鷗同卧閑隨鹿共

梨花山 縣東南四十里行相看惟惠遠長坐說無生

山 縣東南四十里花盛開為東湖之勝槩上有史丞相讀書臺邑人盧鎮詩曰湖上佳山水况逢春日來梨花飛白雪鳧鳥點蒼苔曲徑穿雲上芳罇待

百步尖山 為湖月開徘徊問遺事惟有讀書臺

最高闕水山

俱縣東南四十五里

隱學山

縣東南四十五里東錢湖畔下有放生池舊名棲真周徐偃王隱學於此徐本原詩曰周穆日盤遊九鼎幾欲移造父御八駿萬里觴瑤池邦家嘆無主神器將安歸諸侯悉朝徐瑞應維其時忽聞黃竹歌拒戰非所宜避位向吳越直至東海涯德義感人心臣庶爭相隨山以隱學名上有棲真祠翁仲翳草萊再拜空噓嘻遼鶴竟不返耐塋塚纍纍子孫繁且衍譜謀能相貽零落千載下惻然起遐思

擇陽山 隱學山之西南

陶公山

居之世傳陶朱公嘗隱於此有釣魚磯在焉宋寶慶三年守胡榘嘗建烟波館天鏡亭于上今廢 國朝隱士洪性詩曰霸越平吳此息機蓑衣終日坐漁磯一竿風月高名在千古江山舊事非春雨荒臺蒼蘚合夕陽古渡釣船歸探奇欲試登臨興流水

無情白鷺飛 茂嶼山 縣東南四十五里 金櫃山 縣東南三

十黃山

縣東南四十三里

五峯山

縣東南四十五里下有五峯寺 國朝都御史

王應鵬詩曰一別茲山久重來鬢已絲雨苗分舊藥風箨露新枝西嶺雲歸曉東峯月上遲曼公向何處惆悵 東山 縣東南六十三里 大梅山 縣東南六

獨移時 梅子真舊隱也按福本傳王莽顯政福一朝棄妻子去後有見福於會稽鄞故屬會稽山中有石洞仙井藥爐丹 金峨山 縣南七十里高出眾山為府

甯遺跡猶存 滄溟雪浪空鯨鯢騎去杳無蹤煉丹井上春蕭索知在蓬萊第幾重張時徹詩曰結伴作春遊郊原已麥秋峯巒經處好烟火望中悠雨洗高低樹禽喧上下樓得逢開士咲即是虎溪頭其二何年成

浩劫各勝志神州門啓雲初散僧閒夢亦幽青山開又合碧澗斷仍流石室如相借常將一榻留 赤董山 金峨山東四十里按寶慶志載今奉化縣 鄞城山下去縣東五十里古鄞城在其下

故名舊志載赤董山在鄞縣四十里山有草曰赤董
 鄞縣以此為名而加邑焉會稽記云歐治造劔
 于此山云涸若耶而探銅破赤董而取錫今考鄞
 境內無此山本以山名縣則鄞城山即赤董山也
 而鄞之立縣時在金嶺山下故曰縣東四十里舊
 志誤以今鄞為古鄞故載之於鄞縣至國朝成
 化志仍其誤而猶曰縣東四十里蓋不知今鄞之
 東相去四十里之山正古所謂賀山而賀縣之名
 本此是又安得以名它所之縣哉則赤董山當
 從寶慶志而入奉化無疑奉化固古鄞地也

文山 縣南七十里舊厲山 縣南五十里山頂以石
 居者多吳姓 **姜山** 縣南四十里平原崛起有石洞
 故稱厲山吳 **茆山** 縣南五十里對峙上有
 十人洞後又有一小洞上有 **茆山** 縣南五十里與
 小穴形圓如月仰可窺天 **塔嶺山** 縣南四十里蒼翠峭立
 一葑以竿探 **塔嶺山** 四面環列二十三峯 **它山**
 之其深無底

縣南五十里即唐善政侯王元暉為堰之地水南
 沿流皆山至是始有一山在水北因兩山相對堰
 得以成以其無山相接故謂它山唐亮閣黎詩曰
 截斷寒流壘石基海潮從此作回期青山自在行
 人老澗澗水 **錫山** 縣西南五十里葱蒨插天泉源
 聲無絕時 **錫山** 計紫脈絡或起或伏隆隆隱隱
 結於郡治盤延至旆源甬東諸境寔 **建畧山** 矗立
 一郡龍脈之祖嘗產錫故名錫山 **建畧山** 一十
 五峯狀如列戟鬱然深秀下有寶嚴寺 國朝尚
 書張邦奇詩曰廿年幽勝廢追尋此日重來徑草
 深茗椀香爐晝寂寂松陰竹戶天陰陰縑塵不上
 遠公榻白鶴長栖支遁林杯度夕陽還入定坐看
 涼月墮江心張時徹詩曰十里蘭橈蕩碧沙海天
 晴樹思無涯石橋水漫青霑草林薄風生晝落花
 樓近翠屏懸日月庭開修竹引烟霞山中麋鹿真
 吾伴自喜無心戀白麻其二芙蓉當戶碧千尋絕
 壑雲烟雨後深接竹細通松澗水解衣長傍石床
 陰青蘿礙日綠平障白鹿食霞卧短林薇蕨山中

時正好栖遲應得遠塵心重遊詩曰招提偏占碧
山阿細雨斜陽喜再過谷口雲封行處斷庭前花
落坐來多山厨巧接松溪水石屋新添燕子窠好
借烟霞學真隱高眠長唱紫芝歌又遊巖庵詩曰
山人咲我雨還遊雨裡看山山更幽密樹叢中青
澗出虛巖洞口白雲稠僧因好客來偏慣鳥為留
春囀未休石徑蒼苔塵不到人間即此是丹丘

廟山

俱縣西南五十里

石臼山

山坡有石圓而薄闊可二丈中有穴似臼世傳

葛仙翁煉丹之所旁有二足跡謂為仙跡山下溪
潭深迥杳不知其底有魚如舟見必作陰雨或見
龍首枕於山麓其支徑可通仙隱山

鳳山

其形如鳳

宋魏文節公祀作碧溪庵於其上

木阜山

環列二十四峯奇聳如木芙蓉又名木坑呂氏世居

馬清秀山

上有三十六峯清奇秀麗

銀山

昔嘗產銀今廢俱

隱

仙山

縣西南五十三里與石臼山相連

天井山

縣西南七十里神龍所居有五井舊

志誤云三井一巖突然而去者下嵌百仞之淵地
僅容側足綠蘿可行如此者數十步至下井之旁
石皆光潔如龍物常行久而熟之之狀又行三里
至中井又三里則上井愈入愈險餘二井益險絕
人跡罕到早曠祈禱得金線蜥蜴或蛇蟹之類自
下山望之奕奕有光雨輒應每欲雨則雲先興于
此山其下**灌頂山**縣西南七十里其山直上二十
有天井寺**租宋**有採鐵于此者後乃禁之按寶慶志府學教
授方萬里劄子云竊惟鄞鄭諸山天造地設峻秀
拱揖如伏萬峯而四明一山峯巒峭拔延袤最廣
仙地石窓尤為勝絕故孫綽陸龜蒙諸公疊見賦
詠至今郡以為稱則是一郡之望山又非其他諸
山比也國朝自天禧二年撥隸府學養士其來久
矣係灌頂山普淨寺租佃歲入錢三百貫灌頂即
四明之子山也嘉定十七年冬忽有豪民唐執中

者以四明山有鐵鑛發見密於主管司冒佃鼓鑄
焚毀林木掘鑿坑塹不惟一方騷動而破壞風水
關繫非輕亟具公文申主管司以為此山自隸本
學已二百餘年其間豈無鐵鑛發見之時然前此
未嘗掘鑿以求鼓鑄之利者必有謂也昔胡文恭
公宿在慶曆間以蓬萊諸山居京師東隅疏乞取
金其中以致地震請禁民鑿山以寧地道况今行
都去四明無五百里而會稽山陵無三百里千巖
萬壑氣脉相接豈容以鄰郡望山縱令豪民焚毀
林木掘鑿鼓鑄臣子之義竊有未安至於孕靈育
秀鐘為一郡人物則當今名公鉅卿大儒碩望布
滿中外不應規此小利毀壞風水况在常平法諸
坑冶興發而在寺觀祠廟公宇民居墳地及近墳
園林者不許人告官司亦不得受理今山既隸府
學普淨寺又已管佃而一郡士大夫墳墓之在其
上者不知其幾豈不違背法意繼蒙主管司即時
禁止方幸平息書判見在今歲正月間復有丁思
忠者隱下唐執中元斷事節徑就坑冶司陳狀行

下告示本學刻佃普淨寺所管四明山即欲掘鑿
鼓鑄蓋此山在本學初無利害不過歲得錢三百
緡縱為鼓鑄亦不失此萬里蕞爾冷官竊稟鄉校
亦不過三載何敢固執不可以拒泉司之命實以
丁思忠冒佃此山歲認鐵鑛五千其直不滿二百
然在泉司十路坑冶之權初不欠此而一郡望山
輕於毀鑿委有關繫却恐今日黽勉狗從異時闔
郡歸咎必曰使豪民鑿四明山自萬里始職守所
係不敢自默除已力陳利害具申泉司外竊恐豪
民規啗未已儻蒙軫念哀鄉望山所在乞賜割下
慶元府主管司以憑遵守不許人冒佃鼓鑄仍將
唐執中丁思忠畧加懲治以為後來豪民違法規
利之戒時允其言永為禁例自此仍撥隸府學養
士歲入錢三百緡延祐七年山民陳永等曾租鈔
一十五錠後寺僧分佃 **塘畝山** 縣西南
一半遂復通佃今廢 **雪頭山** 縣西
南八十里上有龍湫名胡家 **松嶺山** 縣西七十里
聖井旱曠雲氣騰靄即雨

鯨魚山 縣西七十里 西石山 縣西六十五里 產

嘗產仙蜜 陸舉山 縣西五里 翠巖山 縣西五十里 有秦王石版

弓箭洞葛仙翁以泥封之遺跡猶存 蔣山 縣西四里 武陵山 舊傳劉阮采藥於此

至今梅花萬樹春 聖公山 壁立千仞其中石室虛明相傳朱彥誠嘗遇仙

於此 聖女山 華家山 前凰山 後凰山 管公

山 俱縣西四十里 白鶴山 對峙為邑之西小朶 前舉山

縣西四十六里群峯起伏靈秀盤結 楊舉山 縣西三十五里 蔡家

山 縣西三十五里 望春山 縣西三十里 與白鶴

魯舉山 縣西三十里 東連鳳舉 岐山 縣西三十里 有異

鳥集此又名旗山以董舉山 縣西十二里 石塘山 縣西

張循王陳兵于上 嶺石城嶺 縣東四十里 即 育王嶺 縣東四十五里 小白

嶺 上有饅頭石 穆公嶺 俱縣東五十里 打酒嶺 嶧崎嶺 俱縣

里 大嵩嶺 縣東七十里 禪寂嶺 縣東南三十里 隱學嶺 縣東南四十五里

里 五峯嶺 縣東南五十里 石羊嶺 縣東南四十五里 韓嶺 縣東南五十五里

里 過東南 張齊嶺 去韓嶺十餘里 慈雲嶺 縣東南六十五里 黃官嶺 縣南五

菩提嶺 縣東南七十里 塔嶺 縣南四里 陳諸嶺 縣西南四里

亭溪嶺 縣南六里 徐盛嶺 縣南八里 清秀嶺 甘嶺 俱縣

大舉嶺 丁舉嶺 俱縣西南五十里 清秀嶺 甘嶺 俱縣西南

六十里 **馬嶺** 石上有馬跡 **松行嶺** 俱縣西南 **躑躅嶺** 縣西南

興不孤翻疑盤谷道還是朝川圖嵐氣諸峯合溪

容眾壑殊何人乘 **五嶺** 縣西三十里 **稠嶺** 縣西三十五

兩縣之界 國朝嘉靖間海道副使李文進命於

此設寨至三十八年三月內倭奴果從此入林村

潘塞嶺 縣西四十里 **西舉嶺** **藤嶺** 俱縣西四十里 **大皎嶺**

縣西七十里 **巖玲瓏巖** 在天童 **響巖** 縣西南五十五里

水北作聲則巖中谷之故曰響巖唐賀知章嘗隱

於此名佛影巖天寒有鷓鴣群集又名鷓鴣巖

北巖 縣南五十里巖中可容百人暑 **假巖** 縣東南

上水之東北宋史相浩甃石 **鳧橋巖** 縣東南四十

百餘丈層巒疊障宛若天成

布 **崇巖** 縣西南七十里 **舊禪巖** 縣西南八十里 **恩南**

泉 **滄舉** 縣東五十五里 **綠野舉** 縣東四十五里 **石柱舉** 縣東

十五里 **郭童舉** 縣東南四十里 **凰舉** 即前後 **同舉** 即同 **羅舉**

縣東四十里山圍如羅網 **嶼** **金家嶼** 縣東南六十里 **霞嶼**

深二里中有阮氏書院 **嶼** **雷峯** 俱縣西三十里 **雙**

見 **墓嶼** 縣東南三十里 **峯斷劍峯** **雷峯** 俱縣西三十里 **雙**

上 **峯** 在龍山頂 **洞水簾洞** 縣東五十五里 **觀音洞** 在霞嶼

普 **巖官洞** 縣東南三十五里 **坑木坑** 在木阜 **乾坑** 縣

陀 **巖官洞** 縣東南三十五里 **坑木坑** 在木阜 **乾坑** 縣

石饅頭石

在小白嶺事詳心鏡禪師傳

棋盤石

在菩提嶺馬嘴石東

五十里柴樹響石風雨夜四山應作老龍吟之句

川

江鄞江

在縣東北二里即甬江也南接奉化江西接慈谿江三江同會定海之大澗江東入

海蕙江

縣南六十里水出大晦山踰江口會於句章鄉三港口抵它山堰沙明卉香庵山原

而環之

湖日湖

縣治東南一里許一名細湖昔有黃鍾二公競渡于此又名競渡湖

縱一百二十丈衡二十丈周圍二百五十丈有奇前後有橋舊志以為小江湖非也其源與月湖俱

出四明山一自它山堰經仲夏堰入南門一自大雷山經林村十字港匯望春橋入西門諸為二湖

月湖

縣治西南縱三百五十四丈衡四十四丈周圍七百三十丈有奇南北四橋以通往來其中汀

洲島嶼凡十日柳汀曰雪汀曰芳草洲曰芙蓉洲

曰菊花洲曰月島曰松島曰花嶼曰烟嶼曰竹嶼

亭閣臺榭上下相映士民遊賞者盛於春夏飛蓋成陰畫船漾影湖之支派環繞城市家映修渠人

酌清泚今因大家變置昔之洲島不復盡見城之東北隅舊有食喉氣喉水喉三硤以泄潦水于江

久而湮塞今南北分泄行春保豐二硤宋王應麟

辯小江湖說曰唐志鄞縣南二里有小江湖既田

八百頃開元中令王元暉置民立祠祀之按九域志即它山堰也今有善政侯王長官祠郡志乃謂

城中之小湖誤矣圖經云小江湖在鄞縣南二十里唐貞觀十年縣令王君照修與唐志不同唐志

又云東二十五里有西湖既田五百頃天寶二年今陸南金開廣之蓋今之錢湖也南豐記云鄞東

鄉之田錢湖既之西鄉之田廣德湖注之唐志鄞縣東有西湖西有廣德湖可見西湖之為錢湖矣

郡誌以西湖為今城中之西湖亦誤若廣德湖則南豐謂與于齊梁之際今考陸雲書鄞西有大湖

廣縱千頃晉已有湖矣舊名豐脰湖元和志所載
 里數在州城未遷之前唐志因之長慶始徙今城
 郡志乃以城之遠近牽合唐志之里數宜其謬也
 舒亶撰引水記曰按州圖經鄞縣南二里有小湖
 唐貞觀中令王君照所修也蓋今俗里所謂細湖
 頭者乃其故處湖廢久矣獨西阡尚存今所謂西
 湖是矣明為州瀕海枕江水難蓄而善泄歲小旱
 則池井皆竭而是湖所以南引它山之水為早備
 也熙寧乙卯歲大旱湖輒涸建中靖國改元自夏
 至秋不雨湖盡涸民渴甚至穴窪下瀝穢滓以飲
 而國家將有事于郊丘上供之舟復膠不得進上
 下狼顧不知所為于是州以其事屬監船塲宣德
 郎唐君意君即由南門道河上凡八十五里抵所
 謂它山堰者躋蹻相視遂盡得其利病蓋它山者
 四明之眾山萃焉一作雨則澗壑交會出為曼流
 即歲小旱溪流未遂絕也特河勢中窪循隄支渠
 醜泄以去故水不得行蓋非盡係于天時也乃屢
 民盡堙諸渠口而稍浚上原因以其土室補堰隙

復累石于上以過入江之羨流於是稍引以北獨
 距城十數里河赤地裂深尺餘眾謂非淹旬積雨
 水卒不可行君念善政王侯實始作堰以茲水賜
 其邦人廟貌固在即為民致禱焉一息而水輒薄
 城下不數日湖流清冽可食而行舟不復留碍蓋
 稱驩呼里巷相屬一方遂以無虞夫宣德君身任
 筦庫之責而能用意勤民之事王侯既施勞於人
 而沒猶烟烟如此與夫世之任人責而不思憂視
 民災而莫之救者顧可同日而語哉元素掬斷曰
 參考王舒二言復以舊志小江湖在縣南溉田入
 百餘頃蓋即縣令王元暉所濬九域志言它山堰
 元暉建今有祠在堰側南門水由它山入用引水
 記法為之猶可復舊今惠光院舊號小江塔院正
 在西南則小江湖乃其近地旁有千丈鏡文港尤
 多以是得名而城中小江蓋由唐德湖縣西十二
 靈橋之小江里非小江湖也
 脰湖唐大曆八年縣令儲仙舟修治之更今名貞
 元元年刺史任侗增浚灌漑益博守曾鞏作記其

畧曰湖大五十里在鄞西十二里其源出於四明引其北為漕渠泄其東北入江凡鄞之鄉十有四其東七鄉之田錢湖溉之其西七鄉之田則此湖溉之舟通越者皆由此湖而湖之產有鳧鴈魚鱉菱蒲葭茨葵蓴蓮芡之饒舊名鰓脰湖今名則大歷八年儲仙舟之所更也貞元元年刺史任侗又治而大之大中元年民或上書請廢湖為田任事者左右之為出御史李後素驗不撓民以得罪而湖卒不廢刺史李敬方與後素皆賦詩刻石以紀其說以謂當是時湖成二百年矣則湖之興其在梁齊之際歟宋興淳化二年民始與州縣置吏盜湖為田久不能正至道二年知州事丘崇元躬按治之而湖始復轉運使言其事詔禁民改田者罪著為令典咸平中賜官吏職田取湖之西山足之地百頃為之既而務益取湖以自廣天禧二年知州事李夷庚始正湖界起隄十有八里以限之湖之濱有地曰林末曰高橋臘臺中有山曰白鶴曰望春自太平興國以來民冒取之夷庚又命禁絕

而湖始復天聖景祐之間民始相率請湖為田從事張大有按行止之而知州事李照又言其事報如至道詔書刻之石自此請湖為田者始息康定間縣主簿魯公望又益治湖至張侯為鄞湖久不治西七鄉之農以旱告張侯為出營度民田湖旁者皆喜願致其力張侯計力賦材擇民之為人信服有智計者使督役而自主之一不以屬吏人以不擾而咸勸趨于是築環湖之隄凡九千一百三十四丈廣一丈八尺高八尺廣倍于舊三之二鄞人累土壓水關其間而局以木視水之小大而閉縱之謂之碶總為碶九為埭二十隄之上植榆柳益舊為三萬一百丈又因其餘材為二亭于隄上以休行者與望春白鶴山相直因以其山名山之於此湖者以熙寧元年十一月始役明年二月卒事鞏言湖事甚詳明湖之不宜廢也樓昇為鄉守卒廢為田使七鄉之田無歲不旱異時膏腴今為下地害可勝言哉殿中侍御史王廷秀作水利說

以示有志興復者紹興三年李莊簡亦欲復湖卒不果其後昇之堦王正已著廢湖辯反以為利民之圖而湖終東錢湖以其為利重也在唐曰西湖蓋鄞縣未徙時湖在縣治之西也天寶三年縣令陸南金開廣之宋屢濬治周迴八十里受七十二溪之流四岸凡七堰曰大堰曰莫枝堰曰高湫堰曰栗木堰曰平湖堰曰梅湖堰水入則蓄雨不時則啓開而放之鄞奉定七鄉之田資其灌溉天禧中太守李夷庚又補其舊之廢址增築全固經畫亦勤其事釐復湖界嘉祐中始置硤閘至治平元年重修六堤其後莢葑蓴蒲荷芡滋蔓不除湖輒湮塞淳熙四年魏王鎮州請于朝大浚之然當時所除莢葑未出湖隄既復填淤嘉定七年提刑程潭攝守捐緡錢置田收租歲給浚治之費朝廷許其盡復舊址而後來有司奉行不虔田租浸移他用湖益湮寶慶二年尚書胡榘守郡請于朝得度

牒百道米一萬五千石又濬之十月命水軍番上送休且募七鄉之食水利者助役各給券食祁寒輟工明年春夏之交役再舉農不使妨耕兵不使妨閱募漁戶徐畢之十月七日告成詔勞賞有差渠復奏以贏錢二萬八千三百四十七緡有奇增置田畝合舊穀碩俾贏三千令翔鳳鄉長顧泳之主之分漁戶五百人為四隅人歲給穀六石隨莢葑之生則絕其種立管隅一人管隅二十人以轄之府縣丞以時督察奉旨悉如請仍命提舉常平司董其事即陶公山立烟波館天鏡亭郡人寶文閣學士史弥堅為記自此不薙葑者十六年幾無湖矣淳祐壬寅冬制守陳塏因歲稔農隙命制幹林元晉僉判石孝廣行買葑之策不差兵不調夫隨舟大小葑多寡聽其求售交葑給錢初止數百人已而棹舟裹糧至者日千餘前此淘湖田租率以佐郡家支遣至此方全為湖用元大德間勢家庸田分司追斷復為湖延祐新志所謂欲塞錢湖

此其漸也後鄉民告有司舉行淘湖故事拘七鄉有田食利之家分畝步高下量撥湖葑隨田多寡闢狹俾浚之積葑于塘岸然宿葑春泛冬沉次年復生則有司所行爲具文耳近年重修嘉澤廟有濯靈之異芟葑不泛荷芡蓴蘆生之者鮮然未足恃也每遇旱熯放水注河一舉而涸舊稱一湖之水可滿三河半而今乃若此其故何哉蓋職守礮閘者不謹啓閉傍湖人通同魚戶每于水溢之時私自開閘網魚洩水無禁松江堰壩又失修理日夜傾注于江水安得多儲哉原置買葑田畝自元收以入官國朝因之洪武二十四年本縣耆民陳進建言水利差官來董其事于農隙之時令七鄉食利之家出力淘浚雖少除葑草而根在復生况湖上溪澗沙土隨雨而下久而不治則淤塞如舊因爲墜陌漸成畎畝而上下水田者無慮數千畝宣德間下水王士華時以參政家居因田其中七鄉之民陳之監司遂得中止嘉靖九年寧波衛屯軍又請爲屯田鄞縣知縣黃仁山用父老嚴訖

之言勘覆不行蓋湖之修廢大關民瘼詳在河渠書中生員丘緒議曰東錢湖一名萬金湖故會合七十二溪之流停蓄甚泓而注漑三縣七鄉之河其利賴甚博也自昔盡七鄉之河足資三次放瀉之益雖亢暘赤地而苗不患稿稱爲沃野至於今則淤葑不治而侵塞填壅者相尋兼之漏洩無禁遇旱開放不盈半河窪者不支十日而亢者一不沾漑欲民之無飢不可得已是故濬湖之議在今日當亟講而力行之者也濬治之目有八一日固湖防夫防以止水所以廣豬蓄而捍潰決也今湖之爲塘者入其尤長者則高秋塘方家塘梅湖塘也夫塘短則兩山夾隘脉或橫亘于下其勢常固塘長則兩山不接皆客土所成其勢善崩非至堅厚不固曩年方家塘決二十里之外皆爲魚鱉其已事可徵已今欲濬湖使深土無所歸宜以所濬之士即加塘上倍闊二丈增高五尺則雖侵湖二丈之水而所濬之士既得所歸隄防之築又日以益固可永免潰決之虞矣二日明水則夫湖水森

漫莫知多寡必置水則以準之然後蓄洩以時而湖水可常盈也自泐湖居民或侵填以為居室或樊植以為園林土薄勢卑湖水一盈輒掩其則至有竊成以就低者御史張景雖嘗改正然亦未能適當舊則也今必於固隄之後準定水則使一湖之豬恒足三河之用即沒入居室園林皆所不恤則所害者少而所利者衆矣况其地本侵湖不治其臯亦已幸矣而况可復加顧慮乎三曰嚴侵塞之禁侵湖之家以水為病春夏水盈輒偷啓諸碶而縱洩之欲湖之無涸不可得已故既立水則之後凡水所不及之地白借為業者必嚴加丈量永從重則起科而籍之以排花流水使尺寸不得隱則重科之害庶足以抵其白借之利而民或者其有警心矣蓋已成之業不忍遽壞姑以是抑之嗣是而猶有仍前侵塞必重為之罪且并坐其塘長及里隣凡並湖之民皆許舉首則厲禁之嚴庶幾民知重犯法矣四曰重漏洩之罰東錢之碶有四曰錢堰曰梅湖曰平水曰高秋皆湖之所由以為

盈涸者也此來塘長碶夫皆取貧難小戶充之既不能多捐功力又不肯愛惜湖水舊開徒設不用板築但取薪茅雜沙土壅之恐其決也則減從低下不與水則相平水一踰則蕩無限止蓋皆溢瀉且以捕魚為利時常偷放平時無半湖之蓄又何望其為旱乾之備哉今必取近湖富戶差點碶夫而塘長亦以士人之家任之則彼當自顧惜而盜洩之患可止矣倘或仍踵前弊閘門不固土築欠高或包攬與人或巡哨不謹則重加贖罰不少寬減能無懼而知謹乎五曰去茭葑之害夫湖之所以淤塞者以茭葑蕒蒲菱芡之屬滋蔓其中日久湮積而茭葑之害實居大半自昔至今亦屢嘗濬之矣然或少除葑草而根在復生或雜之未出湖隄而旋復委置其在今日則蕪沒益甚矣謂宜課七鄉食水利之田始令畝先出銀一分不足則增加之務以茭葑盡去為止而所去茭葑必募船裝載出湖直至江許交卸差其船之大小而優給以直令細民樂于應募而絕其種之復生則民固不

免于出銀之費而要之以佚道使之者也雖盡七鄉之民而戶徵一人助役但母令諭旬焉有不樂趨者哉即怨生一時而惠及百年長民者宜不憚為之矣六曰公水草之利凡湖中水藻之生可以糞田往時公湖居民隨其居址山塲所近各出力採賣雖其利甚微然亦足以為小民之一助乃今豪貴之家依勢作威悉行標管至糞田之時重價勒民貨賣近湖之民或有取其蘘裡者輒肆笞箠誣一償百夫僭七鄉公有之物奪小民近便之利此豈人情王法之所宜哉濬湖雜葑之後當無此患但水土之性自能化生不久滋蔓則作備之後豈能免專利者之心哉此在當路者不畏強禦嚴為禁止而一以公之于民則濟民者庶不至于病民矣七曰築隄以通道茭葑可以舟載而濬湖淤土不可以舟載今自高秋粟木等堰凡往韓嶺及上下水者皆舟于湖屢有不測欲去淤土而便行人莫如即其中徑直處取淤土而為之隄起邵家山跨楊家山麓計其長不過四百餘丈闊四丈高

四之一固之以石植之以木則上有所歸湖之瀦停益富而行者有陸走之便甚大利也或者以買后固隄費當不貲不知湖心之土欲以力致他所其費更何如也以此賀彼寧為失計哉若梅湖與大湖之間舊有一隄宜亦增高倍廣以去兩涯下之淤斯可矣八曰因土以成山夫湖之淺濘可濬也而間有不可濬者何也溪澗沙土隨橫潦而出壅塞浮漲幾與隄平豪貴之家遂僭為田邊湖小民率行佃種如近年下水湖口之為者此廢湖之漸甚不可不慮也蓋既耕為田其勢苦窪必洩水以便業水洩則灘漲皆出効尤而耕之者踵至矣如此不已湖欲無廢不可得已然漲土積高不可以頃畝籌算必欲盡出于湖之外即百千之衆誰能罪之不如因高成丘隨其所聚為山阜傍樹榆柳使不為波濤所噬如方家湖塘之下有河一帶非舟楫所通即以傍近淤土填之既而成田官賣以充淘湖之費又其地近山谷者即隨高低大小聚而堙之則淤土可以盡去而蓄水必多七鄉

灌漑之利萬世當歌誦之矣或曰子之議則得矣其知工費鉅萬民不能堪向哉曰昔人有言不一勞者不永逸不暫費者不久安西門豹為十二渠民頗煩苦之豹曰民可以樂成不可與慮始今父老子弟雖患苦我然百歲後期令父老子弟思吾言也其後渠成民卒利之數百歲後猶頌其功不衰况今民失湖利數苦旱災思欲濬治久矣因而不率作之是為所欲與聚將并患苦而無之矣何不堪之有哉今觀唐之陸南金宋之李夷庚凡濬湖有成績者皆祠之不忘蓋可知矣何獨至於今而疑之乎張時徹泛湖詩曰春遊不知遠到處即蓬萊谷引仙霞入舟隨返照來轉沙窺碧漢度嶺踏蒼苔明日歸城市應疑泛斗迴其二瀛洲何處是春盡一乘槎石壁飛青雨天風吹落花地偏長隱鶴水靜自生霞不學任公釣東陵且種瓜知府雲間沈愷詩曰蘭宮挂殿枕丹谿野曙晴分萬木齊山色剗流青翡翠湖光平漾碧琉璃風流喜有王摩詰與王侍郎同行故云淺薄慙非杜拾遺却訝

乘槎銀漢裡亂雲荒草使人迷參議蕪湖周易詩曰聞道東湖好春晴更可憐山開中散地風送太微船柳外牙旗出花邊錦纜牽謾隨驄馬客時御史張景議脩築同行故云聊爾效旬宣知府南昌魏良貴詩曰春日放船好漁歌何處來雲橫峯欲斷天落鏡初開古寺猶聞磬深林獨舉杯白蓮應有約老衲莫相猜郡人都御史王應鵬詩曰湖草青青湖水平酒航西渡入空明月波夜靜銀浮鏡霞嶼春深錦漾屏丞相祠前惟古栢讀書臺上馬但帝鶯年謝豹花開日猶見遊人作伴行馬湖縣南五十里相傳賀知章洗馬小江湖縣西南里唐令王槎湖縣西南二十里鴈湖縣東北三里君照修槎湖縣有張氏世居鴈湖桃花渡北頰公渠河南塘河縣南源出它山經洞橋西塘河西源出大雷山經湖泊轉高橋南通十寶幢河四十字港西北抵西渡渠東流入西門

五里源出太白山經東吳河小白河俱縣東四十五里源

出大白山二流合于大涵山教塲新河縣東五里國朝嘉

前經匯緯橋至江東礮閘清九年知縣黃仁山用父老應文澄嚴池之言役

工初開引橫溪河之水由大石橋礮入演武塲西

偏輟灣洪水灣去它山堰一里餘河流鉅而外洩

漫為壑而宅山之水始不得東注民久病之宋淳

祐間立石塘以障已而水穴其傍隄潰如昔寶祐

間判府吳潛即其地諸葛灣縣東四十里王家灣

為填三事詳河渠書抵大江北七里自海會寺北直

包家灣縣西北十里傳下有月兒灣縣東二十五里包家橋形如新月

龍窟浦松樹浦縣南一十里上堰下蕙蔭浦縣西南月

浦縣東南渡桃花渡縣東北三里東渡縣東二里

志謂即桃舟宿渡縣南三里寶慶銅盆浦渡縣南

花渡誤番石渡縣南二十五里國朝正統七年知縣楊

北渡縣南二十五里為奉化北界故名唐許渾曉

地窮山盡處江沅水空時露曉兼葭重李家渡縣

霜晴橘柚垂無勞促歸楫千里有心期俞公渡縣西

南四西渡縣西二十五里新渡縣西二俞公渡縣西

十里青林渡東至鄞十五里西北李溪渡東至鄞

十五里去慈谿縣東南四十五里源出鄒溪縣東

北去慈谿溪橫溪縣東南四十五里源出鄒溪縣東

四十里南入十里源出菩提嶺桃源溪縣西三小溪縣西

北流至大嵩入於海北流至大嵩入於海

北流至大嵩入於海

北流至大嵩入於海

北流至大嵩入於海

十里地名童家光溪縣西南五十里源出四明山

坡今為沙塞堰分流洞橋灌莊家溪縣西五十里源出大雷山

桃源諸鄉之田湖青溪縣東五十五里源出水簾潭綵戲橋潭縣

泊青溪洞郭璞有詩見仙釋傳孔家潭縣東四里金沙

五里舊有龍窟廣袤十餘丈深不可測至今甚旱不涸

井龍潭縣東五十里阿育王山後

六十里旱銅盆浦龍潭縣南一十里時或大白蛇

禱輒應禱即應邑人相傳謂錫山龍潭縣西南五十里宋

日湖白龍飛徒於此懸磁葑潭縣西南六十里泉深

于此又名龍窟屈天井龍潭縣西南六十里泉深

曲而下莫測其底泉虎跑泉縣東

葑可下數丈歲旱溪河皆天井龍潭縣西南七十

涸潭水漫出滋田數千畝

冷水潭縣西南五十里潭不及斗許

縣西南八十里下潭縣西南五十里

舊名胡家聖井上潭即平水潭去

俗呼鍾潭者非周氏世居焉

五里天法華泉縣西南二十里

童山乳泉縣西三十五里資教

靈泉縣西三十五里林村下寮山泉從地中出相

旱甚不竭故名池蛟池縣西北

靈泉又曰湧泉池蛟池縣西北

洗馬池見上蓮花池縣西三十五里資教寺內

十里隱學寺 **萬工池** 縣東六十五里天童寺前 **井府治前井** 縣

內詳古蹟志 西五步 **縣治前井** 布德坊 縣治東南 **叅議廟井** 縣治西四十步

十步 **車橋南巷井** 縣治東南 **分司北街井** 縣治東

堂前 **魏家巷井** 縣治東 **孟婆井** 在廟 **紡絲巷雙井** 縣治

是也 **涵虛井** 縣治西南二里 **水仙井** 縣治西南

里許里人 **海神井** 縣治東南一里 **洪聖廟井** 縣東三里廣

王高置 **江東雙井** 縣東三里其源自大湓山來味極

仙廟 **城西陳氏義井** 縣西四里潮音堂前元里人陳罕

前 **張即之潮音堂故額扁于其上既圯其子辰易以**

久旱 **石楹而新之又即亭後隙地構樓如亭數** 國朝

祭酒陳敬宗侍郎 **金澤義井** 在北郭灣頭宋嘉定

楊茂元為之記 **化成井** 縣東十

福海壽堂五代孫金澤于其旁捨 **靈鰻井** 縣東南二十五里延福

地穿井蓋亭憩飲往來行者故名 **華家井** 縣

傳一道人見月取 **尹魯井** 縣東三十里龍山北深不滿五尺歲

水鑿地為井故名 **馮灣古井** 縣西二十五里

雨即 **碧溪亭井** 縣西南四十里 **竹節亭井** 縣西南四

應 **靈異如此** **水步二所** 一在縣東南冲虛

水輒溷濁其 **家嶺下上有亭以石** **水則** 縣西南五十步

靈異如此 **為柱琢成竹節故名** **于郡城平橋南立水則書平字于石視字之出沒**

為啓閉瀦洩之準民益德之潛自為之記其畧曰

四明郡阻山控海水自高而卑盡納于海則田無所灌注于是限以堰閘水溢則啓涸則閉其啓閉之則曰平水尺往往以入水三尺為平夫地形在水之下者不能皆平水面在地之上者未嘗不平執三尺以平水水無不平矣余三年積勞于諸磧至洪水灣一役大畧盡矣已未劭農翠山自林村由西門泛舟以歸暇日又自月湖公竹洲艤城南徧度水勢其平于田墜下者刻簡誌之歸而驗諸平橋下伐石為準榜曰水則而大書平字于上方暴雨漲水没平字成吏卒請于郡丞啓鑰若四澤適均水霑平字鑰如故平橋距郡治巷語可達也都鄙旱澇之宜求其平于此而已矣後之來者勿替于茲哉于時潛既為水則且空其旁地使守令車馬過輒見之即時稽察水候可否國朝嘉靖十三年知府鄭威建社學于空所失初意矣今宜徙之他所而仍空之使守令時時見平字石立水上即得稽察如故可不煩塘長之申報而展轉失時也載考寶慶志議曰磧閘之設必啓閉得宜則

澇有所洩旱有所蓄水常為利其或當啓而閉閉而啓則胥為害矣四明水患甚至民居沉窳禾稼生耳者無它惜水大過諸磧不盡放故也淳祐二年夏淫雨不止者兩月餘一飽壞於垂成郡守陳塏籌之遂置平水尺朝夕度水增減以為啓閉大槩郡城河濱之水常以三尺為平餘可類推過平以上則當洩間數夕暴雨水驟漲至四尺有奇守夜聽雨聲日視水則時當啓閉率分遣官吏四出斟酌尺寸為放水分數亦或盡板一决城中三喉晝夜使之通流是年雖積潦穀粟蔬果一無所傷乃以稔告蓋常年放水田垵告之都保都保告之縣縣告之郡往復行移動經旬日水之溢者已壑稻之浸者已芽今州郡一聞雨驟水汎不待都保縣道申到放閘之人已遣行矣防患未然後所當法也

磧大石橋 縣東五里老界鄉天童育王二圖志之所不載淳祐二年郡守陳塏重於橋下改作平水石堰又于浦口置閘內可洩水外可捍潮

元末浦漲堰開皆廢址入演武場一遇大水東七鄉之民輒病昏墊國朝嘉靖三十九年尚書張時徹力言於府縣尋故道而五鄉東西礮十五里河之永絕水患民甚德之因定海知縣宋繼祖別陽堂鄉即回江東西礮近二礮若連日淫雨暴雨礮定海之東岡而廢回江二礮若連日淫雨暴雨壅至不能驟洩東七鄉之田往往成巨浸而民告饑矣今宜亟復大石橋礮而又於王駐洋之周家堰四都之楊木堰各設礮以補回開慶礮舊名鵲江之廢則七鄉之水不為災也東十里手界鄉寶慶志云已廢為田延祐志載宋開慶元年判府吳潛興水利徧乎四境復創為此礮河流不復滲漏海潮不復入河名曰開慶紀更造之年也今復廢

手界鄉 貝則礮 縣東南三十里手界鄉二十二都 雲龍礮 又名荻東南三十里手界鄉二十一都 熙寧間鄞主簿黃守勳襟江帶河疏蓄有備歲久湮什 國朝天

順五年知府陸阜修治涉 歟礮 縣東南四十里豐歲弗績八年張瓚完之 樂鄉二十三都

東周礮 縣東南四十二里 古塘礮 縣東南四十三里真樟

木礮 縣南三十五里 鄞塘鄉三十八都昔為大棟

木礮 縣南三十五里 國朝天順五年知府陸阜重修

木礮 縣南三十五里 鄞塘鄉三十五都 茅針礮 縣南四十五里 史家礮 縣西南三十五里 鄞塘鄉三十五都

積瀆礮 又名下水礮 縣西南三十一都 行春礮 石礮縣

西南一十五里光同鄉四十一都 按延祐志王元

曠既置它山堰慮暴流無所洩遂為三礮澇則决

暴流以注江旱則取淡潮以入河世傳王侯自堰

口浮三木鵝隨所止而立礮東十五里為烏金礮

入東三里為積瀆礮又進閣礮 縣西南四十五里

東二十七里為行春礮 先是因浦直達于

江水無豬蓄遇旱民輒告病元省元潘夢桂壘石為礮以時蓄洩礮傍夢桂水閣故名歲久頽圯

風棚礮 一名望礮縣西南三十里光同鄉宋熙寧為之記其畧曰鄞于四明為劇縣占鄉十有六而公私之田無慮幾萬頃其豬蓄以待灌溉者既無幾而凡所以為捍防醜導之具吏又忽不時省頽漏廢圯十或入九不幸天時稍愆亢則其涸可立待而民輒病間無如何注江流以趨一時之急鹹鹵敗稼積不已往往田遂瘠惡弗不足耕種不可下虞大夫乃與民圖之即北渡之西面風棚積石為礮以却暴流納淡潮既又自州之西隅距北津疏淀淤之舊增卑培薄以實故堤而作閘于其南拒鹹水以便往來之舟而東西管數鄉之堰礮隨以繕完者凡六所蓋用工一萬一千有奇而溉田五千五百餘頃假財于賑貸之餘而工不費役民於既病之後而私不勞邑人相與傳之願有以久大夫之賜于無窮而直因記之今風棚礮久廢按

行春至積瀆相距三十里行春居江下流瀆汐易至烏金積石處上游非潮盛漲瀆汐不至河渠少涸江潮尚澄淡可壅入河渠以溉田霖潦亦易洩故風棚視他礮為尤要宜亟修復以續大寧之績

語詳河 **周大悲礮** 縣西南三里 **竺迦礮** 縣西三十五里

渠書中 **周大悲礮** 十五里 **竺迦礮** 里桃源鄉林村杜氏居東上接流花橋以至泥峙堰 **胡泊礮** 縣水下通積瀆漕以至湖泊礮今廢不治 **桃源烏金礮** 縣西三十五里

三十五里四十七都 **桃源烏金礮** 舊在四十八都

桃源 山東北今徙至四 **育王礮** 縣東南九十里

六都翠山莊田者多不便 **育王礮** 宋寶慶間創育

王寺所築歲久不治元皇慶元 **餘豐礮** 縣西二里

年縣尹王思義諭里社修之 **餘豐礮** 清道鄉今廢為 **保豐礮** 又名永豐礮縣北三里以洩潦水昔名曰保豐謂豐年可保也開慶元年判府吳潛因廣其址改創為五柱四門堅密雄偉雖湍流湧激

不損更名永豐歲久復湮塞老人吳壽
 甫建言廢在城衮繡橋之石復加修理
閘江東礮
 閘縣東二里許即錢家道頭閘宋淳祐二年士民
 湖水上言江東米行河舊有礮閘隨時啓閉內通東
 湖水岷外障大江潮汛泛河兩岸各有石勘近年
 以來兩岸居民跨河造棚汚穢室塞余家橋夾家
 橋低塌河面有妨運載况父老相傳此河通塞于
 四明風水最關係乞行開濬復還古蹟仍乞增高
 兩橋以通舟楫郡守陳塏倡屬開汚塞去瓦礮重
 修浦口疏水二閘改造浦東橋澄波橋各增二尺
 以便運載仍差官打量自浦口橋河道南北兩岸
 潤狹丈尺從制置使司置立后碑于閘官舍內以
 示久遠浦口橋下濶一丈浦口閘外數如之浦東
 橋下西濶一丈二尺五寸東濶一丈三尺六寸澄
 波橋下西濶二丈三寸東濶一丈六尺米行橋下
 西濶一丈三尺八寸東濶一丈四尺疏水閘裏濶
 一丈四尺胡家橋下濶一丈五尺五寸微君廟橋
 東至棲心寺橋一帶並係大河以上自浦口橋打

量至微君廟橋河道東西通長二百丈三尺七寸
 並係浙尺事載寶慶志中至今殆四百年于茲河
 日湮塞舟膠不行水無所洩臭穢薰蒸而旁河居
 民不特起蓋浮棚又皆甃石增岸俾左右古遺丈
 尺僅存三分之一且浦口閘東西之民盡為治戶
 居常以鐵砂壅積成隄育鷄豚置溷廁礮閘日就
 頽圯不為用一遇大水淹塌沉竈數日不退而東
 七鄉之田無有秋矣民甚病之國朝嘉靖三十
 八年秋知府周希哲據里人唐宗玉劄狀遂命鄞
 主簿張纁督役興事去砂礮拆浮棚上見天日之
 清明下通江湖之岷絡邦人無不稱快然其議則
 成于兵部尚書張時徹也于是郡人侍郎屠大山
 為之記曰明郡城東渡浮橋之左曰江東江東故
 有米行河河故有礮礮故有閘閘曰浦口礮曰江
 東寔瀕大江而橋于上亦曰浦口東去廿餘武復
 有閘曰疏水閘浦口矣復閘疏水何防潰決也乃
 宋淳祐二年秘閣修撰陳塏出守用父老言重濬
 河修治礮閘橋改今名而民用饗其利至今殆四

百年于茲並河居民多治鐵者家用鐵沙實水中
 湮塞如平地牧鷄豚置溷廁絕故水道礮間日就
 地不為用且堪輿家謂此水通塞係郡利否矧東
 七鄉水西注者實道此入江近築東崗礮定民稱
 便鄞水行頗回遠時浸溢為災議者謂復茲諸故
 礮間實兩利焉即五鄉礮廢無害也又東南去里
 許為大石橋受童育二水亦塏相地得斷石于沙
 磧中知為故礮乃即橋之下作平水石堰而復間
 于浦之口以捍潮洩水今亦廢而址且為濱武塲
 需云嘉靖三十八年秋郡守周侯希哲以志事請
 于大司馬張公于是江東諸文學張柏輩相率謁
 司馬公所言前米行河大石橋諸礮間廢置事而
 司馬公乃慨焉肩之輒與周侯陳說利病甚悉且
 為之條畫區處無煩于財而事可底績于是周侯
 信司馬公言業欲舉事而復格于不便已者司馬
 公又懇懇言是大利於萬姓亦無不利于不便已
 者周侯意始力遂據里人唐宗王劄狀檄鄞主簿
 張纁督役首治江東礮即日興事民踴躍以趨無

一人或後者役出于里日不過三戶無上下均用
 厥力所治河起疏水間東微君廟橋至于江為丈
 者二百有奇礮間可仍者仍之易其石之泐者而
 加木焉未幾暴雨連旬巨浸彌望東鄉之水盡由
 此洩而民得免於魚鱉咸額手頌功德曰司馬公
 與周侯生我矣其大石橋礮間業欲以次開治而
 周侯適以事去郡司馬公又復言于新守曾侯鑑
 丞侯君國治令田君登年懇懇如前礮事乃屬新
 簿胡日守尋故道而河之鳩徒即工民赴之亦復
 如前礮其甃石置間費金以百計田令乃進諸父
 老與之經畫而食利者靡不樂輸蓋曾侯主持于
 上而令運其籌簿嚴其役上下相成三百餘年之
 廢舉蓋一朝而底績焉凡為丈者其長一百有奇
 其濶二而揚木礮王駐洋礮亦將次第舉行因民
 欲也其規制區畫盡出司馬公所為郡志河渠書
 中江東浦口礮間橋廣袤各故有丈尺載延祐志
 中今復刻碑之陰使後有考焉而工役起卒月日
 亦類附之余不文重違諸文學請且事關吾民利

害之大者乃綜著其事碑之故義士張明五公祠
 中祠當孔道俾江之東世世饗司馬公利者皆不
 忘明德云司馬公名時徹字林家道頭閘縣東三
 惟靜學者稱為東沙先生元延祐志云林家道頭
 塞其故址猶存國朝洪武初信國公湯和以林
 家道頭閘其水自寶幢而來綿亘四十餘里勢如
 利矢直射郡城在堪輿家所深忌于是并其故址
 而廢之且官鬻其地于並閘之民為廬舍其錢家
 道頭即今江東礮閘自浦口橋至棲心寺橋東西
 相距不過半里是則無犯于堪輿家渾水閘縣西
 者固宜通其湮塞而復其故道云

西門外屠氏橋閘縣西南二里迴風閘縣西南三里
 花園則沙閘縣西南五十里宋淳祐二年郡守陳塏置其
 地則宅山堰吳家橋之舊址制幕林元晉為
 之記其畧曰慶元表東海地枕江抱湖水政舉則
 多豐年不則為珍淳祐改元冬可齋陳公由少司

農秘閣修撰出鎮兼制置沿海二年春開藩誅連
 歲失稔之故父老曰是邦諸水而啓閉以時者曰
 礮泄而不防則乾積而不醜則溢歲久圯民甚患
 之夏澇公勸學一曰保豐復礮二曰斗門曰大河
 橋修礮號為喉者曰食曰水曰氣是歲東西俱歉
 于澇明獨有秋公曰今所導者流耳盍治其源於
 門內外為湖為港鄞西七鄉以飲以溉皆源於
 山它山而上則又大溪之源越水所注夾岸沙彌
 望雨則與水俱下長官堰下上級皆三十六其上
 沙沒殆盡入于溪者數里溪流幾斷于是井皆及
 見其盪入于溪者數里溪流幾斷于是井皆及
 田苦竭澤歲浚至三四役工數萬計民亦勞止間
 有暴漲自西岸而下湮塞尤甚一日公顧其屬林
 元晉曰岸之防固未易圖浚治之繁而無簡要之
 策與其浚于既積不若過于未至水輕清居上沙
 重濁居下宜開以止之水平則啓通道如故沙聚
 於外則去之易為力會吉州魏侯峴以書來述鄉
 民意與公合卜于長官祠下又合乃度地吳家橋

去大溪五十尋而近經始營之侯家溪上疏宅山
之澤夙有功肯總其事佐以新進士安君劉合志
堅久起秋八月戊寅迄冬十月丁丑無一日不晴
已乃雨是殆天所助人情大悅公命元晉記之公
名塏長樂人附峴之言曰四明登陸之勝萬山深
秀昔時巨木高森公溪平地竹木亦皆茂密雖遇
暴水湍急沙土為木根盤固流下不多所淤亦沙
開淘良易近年以來木值價穹斧斤相尋靡山不
童而平地竹木亦為之一空大水之歸既無林木
少抑奔湍之勢又無根纜以固沙土之留致使浮
沙隨流而下淤塞溪流至高四五尺綿亘二三里
兩岸積沙侵占溪港皆成陸地其上種木有高二
三丈者由是舟楫不通田疇失溉人謂古來四季
一浚今既積年不浚宜其淤塞夫浚之一寸則田
獲寸水之利浚之一尺則田獲尺水之利浚之愈
深所既愈遠為利愈溥矣雖然陶沙當於未旱之
先又當棄之空閒無用之地何則旱歲淘沙此救
一時之急耳是時農夫皆自欲車注以救就稿之

苗其勢不可久役稍或違時苗已稿矣宜于未旱
之前農隙之餘多其工役假以日月務令深墾庶
幾可久天下之事不一勞者不永逸不暫費者不
久安若憚費畏勞用工不深其効亦淺或畧開沙
中之港而不去港中之沙止可為旱歲急救早苗
之計經一小雨則沙淤隨塞或去港沙堆兩岸經
一大水則仍流入港中如能運沙遠去江近則棄
于江水之中江遠則堆于空閒之地庶幾可久然
地皆民地種植所資安得空閒宜臨時相視遇窳
坎空閒處不憚稍勞則可矣但戒董役之人務在
公平不得容私獨堆一處則人心自服如能浚深
一尺或二尺其利尤博開浚之時先宜壅住上流
然後從下流為始庶得沙乾堰宅山堰縣西南五
不先為水所浸沒易以用力堰宅山堰十里通遠
鄉先是四明山水注于江與海潮接鹹不可食田
無以溉唐太和中鄭令王元暉始疊石堰兩山間
濶四十二丈級三十有六冶鐵灌之渠與江截為
二渠流入城市繚鄉村以汲以灌其利甚博民甚

德之立祠堰旁宋建隆間堰損水不入渠節度使
 錢億謁請于祠增築全固建中靖國改元監船塢
 唐意見水多醜泄乃盡塞支流稍浚上源因以其
 土室補堰隙復累石於上以遏入江之美流水漸
 引以北越一歲復涸簽幕張必強鄞令龔行修又
 歷視舊堰修之益卑以高易土以石治鐵以固之
 水遂通行嘉定七年提刑程覃攝守謂奔湍流沙
 沙壅水滯乃勢之常歲不一治之厥後用力益艱
 捐俸置田四十畝委鄉之強幹者掌其租入歲給
 役夫之費督以邑丞意則善而行之者寔具文十
 四年泉使魏峴以鄉郡為念請于朝得祠牒十委
 里人朱王二氏按渠堰瑛闢之廢湮者重加修築
 潦則七分歸江三分入溪旱則七分入溪三分歸
 江于是隄防濬導歲以為常日久稍稍旁有罅漏
 國朝嘉靖十五年知縣沈繼美用石版豎亘堰口
 者半高于舊堰一尺許以故水之入溪者如故民
 更稱便相傳下有梅梁如龍昂首以繫堰久而不
 朽刃或誤傷流水如血故舒直詩及之然所議石

堤之策莫善於延祐志所載其言它山一境其地
 皆沙納水之咽既窄引水之港復狹以致流沙易
 於壅塞沙之入港凡有三馬七八月之間山水暴
 漲極占如海平地之上水深丈餘湍急汛疾西岸
 之沙徑從平地橫戛入港湏臾淤滿一也或遇積
 潦雖不沒岸而溪亦湍急沙隨急流迤運入港日
 引月長不覺淤塞二也自港口至馬家營一帶兩
 岸之沙或因霖雨衝洗或因兩岸坍塌或因木植
 衝擊積久不已亦能填淤三也欲障平地之沙宜
 于兩岸去港一二里買地一段南自港口北自山
 下以屬于溪北去港遠南去港近帶斜築壘隄以
 粗石闊為基址高七八尺外植檉柳之屬令其根
 盤據歲久沙積林木茂盛其隄愈固必成高岸可
 以永久欲障積潦湍流入港之沙宜就吳家橋南
 港狹去處立為石閘中頓閘版五六片畧與岸平
 水輕在上沙重在下水從版上不妨通流沙遇閘
 版碍阻不行沙之所淤不過閘外三四丈淘去
 良易版之為限以水為則水漲則下水平則去啓

閉以時不病舟楫欲障兩岸之沙宜於兩岸釘椿
粗石疊岸上覆石版如城南塘路庶免水洗岸沙
木植衝擊之患然置閘砌岸可以防平常積雨港
內之沙或遇大水徑自西岸擁沙而來非二者所
能禦石隄之禦此上策也夫自廣德湖廢而西七
鄉之水全賴于此其先後經營之迹詳在河渠書

中唐家堰 黃家堰 俱縣西南四十里 長堰 石堰 范

家塘堰 又名糯米堰 俱縣西南三十五里 朱家堰 縣西南三十二里 北渡

堰 何家小堰 俱縣西南三十里 沈家堰 縣西南三十五里 徐家

堰 翁家堰 俱縣西南三十三里 樓家堰 華家堰 黃家

藕池堰 祈湖堰 俱縣西南二十二里 范家堰 屠家堰 俱

西南二里 刑家堰 桑塘堰 陳五耆堰 俱縣西南十一里

季家畚堰 王師堰 俱縣西南十七里 壩頭堰 小沔堰

蔣家堰 大蘇堰 俱縣西南二十五里 王家

堰 縣西南十五里 段塘堰 縣西南十里 張家堰 朱瀨堰 俱縣

十五里 鄭郎堰 今名鄭郎堰 瓦窰堰 縣西南三里 崔家堰 縣

二里 和尚堰 縣西南五里 邵家堰 縣西南五里 金家堰 西渡堰

朱將軍堰 俱縣西南二十五里 自它山堰 至

此四十九處受它山大雷山之水並傍鄞江之西

倪家堰 縣東五里 道士堰 舊名林家堰 今改名 徐師

堰 縣東三里 梅墟堰 縣東北三十里 石家車堰 又名舊

東五里 **王駐洋堰** 縣東五里舊楊樹堰 此二堰宜易

置礮間以洩東鄉之潦而補 **張家堰** 又名堵浦堰 縣東三十里

回江之廢乃水利之至急者 **阮家堰** 又名余師堰 縣東三十里

已上八堰俱在老界鄉 **陸家堰** 在陽堂鄉 **渡頭堰** 東

南三 **桃枝堰** 縣東南 **大花山堰** **小花**

十里 **山堰** **臨江堰** 俱縣東南 **鍾家堰** **施婆堰** 俱縣

三十一里已上八 **戴蔣堰** **古塘堰** 俱縣東南四

堰俱在手界鄉 **長塘堰** 縣南二十五里江河夾岸為塘袤百餘

鄉 **之** 洄累築累敗役戶坐是蕩產者十七八里土黃

堂相地勢謂河洄本以溉塘下之田然不可與水

爭地乃以田易鄧橋廣福寺田鑿為渠環之以接

舊河之洄使仍可溉塘下之田於河洄鄰江之地

各捐半里許于其外為一堰以殺水 **銅盆浦堰** 縣

勢舊塘遂堅壯民病始蘇至今賴之 **南十里花堰** 又名蝦堰 縣

五里 **自倪家堰至此二十三處並傍鄞江之東** **大**

鄉 **皎堰** 縣西南 **禪巖堰** 縣西南 **鄺童堰** 縣西南 **西高**

堰 縣西南六 **杉木堰** 縣西南五十六里故有泥堰

千頃潮湧入則人不可行 國朝弘治初為石堰

塞其溝塗行者雖便而水利不通民甚病之謂宜

易之以礮而上跨以橋然 **蘭浦堰** 縣西南四十五

後行者居者兩得其便 **泥峙堰** 縣

流者出磻溪黃梅堰縣西三十六里四十七八都
以至竺迦磧界以均限大雷山水利堰
上出烏金磧下出大溪此自大雷山水所從出之
已上二堰俱在桃源鄉

處置之 錢堰縣東南三十里老界鄉 梅湖堰 栗木堰俱

東南三十五里陽堂鄉 平水堰 莫枝堰俱縣東南三十六里 大堰縣

南三十里 高湫堰縣東南三十八里已 自錢堰至此

七堰並傍東錢湖 附錄廢堰四 上河堰 下

河堰在縣南三十五里乃鄞塘鄉姜山之前上下

錢湖水通下河則銅盆浦有堰常浦進林有磧通

奉化江潮雨澇則江潮接之二河漲水相迎故堰
善崩按延祐志謂二堰各遷十餘丈則依山之麓
易于隄防且得白杜橫溪之源回環舊河中可溉

田五六百畝而得常北津堰舊圖經云北津在縣

稔亦無妨他鄉水利西北二里多歷年所

外受江潮之衝木朽石頽秋潦至則鹵灌于河農

以為懼舟楫之往來者亦病之宋寶祐間郡興工

修理因舊增高內分兩傍各甃砌堰臂七層造仲

屋四間據此則是堰亦為鄞西咽喉今廢不治

夏堰縣西南四十里唐太和元年刺史于季友於

置之既田數千頃後因王元暉別塘江塘一在老

東隅七畝一在鄞塘 石塘老界鄉二 河塘一在清

鄉二十畝一在樵源 王駐洋塘老界鄉一 梅湖塘

鄉四十六都七畝 陽堂鄉十都四畝井下四塘俱並東

錢湖另設磧閘而以時漭洩其水 高湫塘鄉十

五都三畝十六 平水堰塘翔鳳鄉十 方家湖塘翔

鄉十四 五都界 壩西渡壩 縣西北二十五里 北渡壩 縣南二十五里 鄭郎壩 縣南五里 林郎壩 舊名道士堰 縣南五里

橋縣治東開明

橋 按察分 迴途橋 布政分 隱仙橋 冲虛觀後 積善橋

餘慶橋 俱鄭丞相照池左 琅琊橋 廊頭 做絮橋 廊頭

巷 都稅院橋 東渡 生薑橋 團橋 團橋 東渡 鹽蛤橋

團橋 縣治東南 張家橋 醜塘 小江橋 永豐庫 古石

橋 廿九 霓橋 林家橋 全捷 王家橋 連桂 陸家橋

坊 連桂 水月橋 延慶寺 採蓮橋 洪橋 水月橋 側行香橋 採蓮

橋 東明州橋 白龍王廟前 鄞江橋 白龍王廟東 文博橋 進士街口大

福橋 戚家橋 俱沙泥街 獅子橋 興教寺西 塔兒橋 坊東 袁

學士橋 獅子橋 馬家石橋 東河 黃家橋 東河 馬家莊

石橋 東河 吳家橋 東河 汪家木橋 嘉賓堂東 史府橋 泥

街 興教橋 境清寺 丘家橋 坊南 御書橋 獅子橋 王家

橋 袁學士宅前 行宮橋 袁學士宅西 石橋 四府前 車橋 江心

橋 新排橋 伴食橋 訛呼 洗馬橋 福明橋 隍城

廟 泰和坊橋 冲虛觀西 縣治南 皇封橋 宣化坊 蕭家橋

宣化坊 柴家橋 萬壽寺 廣惠橋 萬壽寺 市心橋 千歲坊南

里人王廣濟橋 通安橋 魯家匯南一 木欄橋

新橋 城隍廟西 周家橋 新橋南 普照橋 褚家橋 蔣家

帶漁欄橋 又名吳 捧化橋 日湖頭 倉橋 靈應廟東 桂芳橋

南門裏宋高閔兄弟五人皆登科第故名清洞橋 舊名甬水門裏橋 縣

治西南萬歲橋 又名千歲橋 竹行橋 千歲坊 章耆巷

橋 宣家橋 千歲坊南 光祿橋 飯行橋 舊名慈 迎鳳

橋 平橋 舊名四明橋有亭開慶元年守吳潛於

醋務橋 崇教寺側舊名酒務橋嘉靖三十八年里人蔡恂捐已貲重修 永安橋 魯家

匯西水仙橋 青石橋 均奢橋 世美坊 眾樂橋 四明

東建碑橋 昇平橋側 昇平橋 四明驛東一 尚書橋 賀秘監祠

西舊名澄清橋一名幢幢西橋 國朝天順八年知府張贊為司寇座瑜立坊改今名 問字

橋 縣西南四明驛前 國朝嘉靖三十二年尚書張時徹建 湖心東橋 湖心

西橋 錦照橋 月湖錦照堂西 虹橋 一名感 袞繡橋 史相府前

帶橋 錦里橋 月湖竹洲西 永寧橋 社壇橋北 縣

社壇橋 一名牢家橋 尚書橋 先為宋尚書汪大猷

之書錦橋 靈應廟前 縣治西渡母橋 一名純孝橋因地

清瀾橋 俗名 天寧寺橋 舊名 河利橋 虹橋 壽寧

坊南府社壇橋 望京門裏大德元年 迎恩橋 一名仁安

縣治西北鑿橋 鹽倉橋 貢院橋府學西 府後橋

府東橋 府西橋 祝都橋天寧寺後 頂戴橋朝桂坊下

東上橋 四港橋俱市舩司北 中上橋北新巷口 西上橋孝文

坊水浮橋 方家橋御史董琳立坊題名繡衣 林鱗魚橋俱天寧寺

後烏黯橋 賀都監橋新門頭 縣治北乾礮橋 阮

家橋 壽昌橋 泰和橋 餘慶橋 見合橋

城東東津浮橋縣治東靈門外跨鄞江唐長慶三年刺史應彪置凡十六舟亘板其上長五十五丈闊一丈四尺初置東渡門外江闊水駛不克成乃徙今地方經始時雲中有虹映其上衆咸異之初名橋曰靈現又曰靈建以後屢修屢圯至元二十八年廉訪陳詳造船十有四聯貫

巨纜歲久損壞國朝洪武二十七年郡人黃功廉建言增設船二隻僉民七十二戶守之正統間郡守陸奇乃為新舟始治鐵聯索維之復建亭橋西成化丙戌郡守方達嘉靖間知縣劉宗仁徐易守張正和周希哲皆修之未久即壞蓋守江徭戶大半徵銀在官其留者不親應役率募市棍克之防葺不謹其守橋之亭圯廢而市猾又據以為賈肆此當亟為修復者也

寶幢育王一帶鄞東橋縣東二里許正德間 王家

橋縣東三里王家率里人同修故名 大河橋縣東三里許 張斌橋縣東五里

雷公橋縣東五里 七里店橋縣東二里 福明橋縣東十里 盛

店橋縣東二里 盛店港口橋縣東二里 新橋縣東二十里

屠官墳橋縣東二十八里龍山之北 鄒山橋

建庵 屠官墳橋縣東二十八里龍山之北 鄒山橋

縣東三十里 匯緯橋 縣東三十五里 回江礮石橋 縣東三十五里 皎礮

橋 縣東三十里 吳讚重修 斗門橋 縣東三十七里 鄧溪橋 縣東

四十里 上有史 姜皇后橋 縣東四十里 石 下庄鎮 氏 鄧溪書院

橋 縣東四十里 葛家橋 縣東四十里 匯緯橋分路抵東 同谷畧口

吳小白天童一帶李家洋橋 縣東三十五里 東吳橋 縣東

六里 九星橋 縣東二十七里 鄭家橋 縣東四十里 大涵山橋 縣東

里 秋波橋 縣東四十五里 府前橋 縣東四十六里 三 有史相舊府基

溪橋 小白橋 俱縣東五里 虹橋 天童寺 劉家店橋

鳴鳳橋 青障橋 俱縣東六十里 五路溪橋 舊名 東洞橋

大橋 俱縣東六十五里 東中塘河抵栗樹塘堰一帶浦

東橋 縣東二里許 澄波橋 縣東三里 浮橋 東 米行 一名斗門橋

橋 胡家店橋 董孝廟橋 一名徵 會安橋 崇 君廟橋

壽橋 俗名七 扣水橋 解院橋 高家匯橋 一名 塔寺橋

橋 賣蓆橋 一名和 虹橋 俱縣東 鎮安橋 縣東南五 安橋

南 國朝嘉靖九年里人嚴訖等請開新河率衆 鼎建東接大石橋映西通江口開為今要害之衝

云 綵戲橋 縣東五里 宋史彌鞏故宅西彌鞏乞祠 歸為娛親行樂之所故名歲久圯 國

朝嘉靖間里人王 李家橋 縣東六里元至正間李 珍等率衆重修 茂祿建及卒十葬于茲

七世孫循訥建 大石橋 縣東南六里俗 嘉慶橋 縣 森森亭于側 名四眼礮橋

南七里旁 **宋昭橋** 縣東南十里 **朱家橋** 縣東南十二里 **橫石橋**

有白鵝橋 **蔡家橋** 縣東南十五里 **搬火橋** 縣東南十六里 **四港橋** 縣

南三里 **報恩橋** 縣東南二里 **楊木橋** 縣東南二里 **沙家店**

十里 **八字橋** 縣東南三里 **東南塘路自橫石橋**

橋 縣東南三十里 **分路抵橫溪一帶大象橋** **周賣魚橋** 俱縣東南五里 **武**

陵橋 縣東南十里 **三橋** 縣東南十五里 **錢家橋** 縣東南二十里 **陳**

俗名繆家橋 **婆渡橋** 縣東南十二里 **張村石橋** 縣東南二十里 **胡野橋** 縣東

里 **鄧橋** **雲龍碛橋** **虹橋** **顏橋** 俱縣東南三十五里 **鄭**

灣橋 **太平橋** 縣東南十八里 **黃山頭橋** 縣東南四十里 **滕公**

橋 縣東四十里 **擇陽橋** **陸廣橋** 俱縣東南四十五里 **自太**

縣東南四里 **平橋入西抵白杜一帶趙泥橋** 縣東南四十二里 **張義橋**

縣東南四里 **坊橋** 縣東南十四里 **王家橋** 縣東南十五里 **都憲**

橋 縣東南四十五里 **嘉靖七年** **迎恩橋** 縣東南五里 **嘉靖十**

三年封淑 **惠卿橋** 縣東南四十五里 **嘉靖十五年** **同方橋**

人金氏建 **朱家碛橋** 縣東南十七里 **上游橋** 縣東南十八里 **接**

縣東南四里 **奉化** **南塘河抵它山一帶長春橋** 一名向 **甬水橋**

俗名下駕橋 **南新塘橋** 縣南三里 **甬** **沈店橋** **通**

又曰夏家橋 **津橋** 縣南十里 **尚** **雅兒渡橋** 縣南十五里 **舒氏九**

三十八年重建 **新豐橋** 縣南十里 **寶祐橋** 縣南二十里 俗名樂社橋

崇福橋 縣南二里 **顏橋** 縣西南三十里 **北渡橋** **眺江橋** 俱

西南三十里 **王張橋** 縣西南三十五里 **港口碶橋** 縣南三十里

七鄉橋 縣西南三十八里通它山之水溉七鄉之

重建石 **浮石橋** **王家橋** **繼先橋** 俱縣西南四

美 **洞橋** 縣西南四十五里 **馬湖橋** 縣西南五十里 **惠明橋**

縣西南五 **慶孫橋** 縣西南五 **定山橋** **許家橋** 俱

西南五 **吳家橋** 縣西南五 **鄞江橋** 縣西南五十里 **百梁橋**

縣西南五十里舊名小溪江橋宋元豐元年建長

世則 **元貞橋** 縣西南四十里元貞 **徐家渡橋** 縣西

十三里 **斗門橋** 縣西南五 **三石橋** **翻石橋** 俱縣

里 **自沈店橋** 抵西南鄉一帶像鑑橋 **遶湖橋** 俱

西南十 **文秀橋** 縣西南十八里 **孝庵橋** 縣西南二十里橋

祠故名嘉靖三十二年尚書張時微重建 **薦橋** **宋家橋** **王家橋**

洗馬橋 俱縣西南 **白鶴橋** 縣西南二 **下傘橋** **張**

尚書橋 尚書張 **傅學官橋** **周家大橋** **周學士**

橋 俱縣西南二十五里因 **六和橋** 縣西南三十里

五馬橋 縣西南三十四里 **資善橋** 縣西南三十五

國朝天順八年里人知府戴方伯橋縣西南三十里鄭家漕

浩建嘉靖十五年戴鰲重修

鳳巖市橋縣西南三十五里楊墓橋縣西南三十里有楊逸民墓故名

南至桃源一帶包家橋縣西六里白龍王廟橋縣西七里顏

家橋縣西八里賣面橋縣西十里藕纜橋今改雲龍橋天仙橋俱

西南十里朱郎中橋縣西八里湖白橋縣西十里跨湖橋

縣西二十一里宋政和間郡守解袂匯頭橋縣西

樓巽廢湖為田建橋以通往來

五里巽脰湖橋縣西九里屠家橋縣西南十一里樓太師廟橋

縣西南十二里袁打車橋縣西南十四里十字港橋縣西南十五里

建楊官人橋縣西南十八里聖仙橋俗名廟橋關山橋

磻溪橋 武陵橋俗名版橋萬安橋俗名洞橋流花橋俱縣

三十里張洗馬橋縣西南十五里翠山寺橋縣西南十五里

自寶祐橋北抵建巖一帶裏港橋縣西南二十里太平橋

善慶橋俱縣西南二十五里千丈鏡橋一名鏡川橋明行橋俱

西南二里顧家匯橋縣西南二十七里新橋縣西南二十八里虹橋

縣西南二里桃浦橋相傳浦有桃樹大甘圍陰蓋里許凡塔井俱以桃名至今根株

不朽虞家虹橋里人虞氏建沈家虹橋 繼義橋里人虞沖

虞沐邵絲螺橋 上張橋 彰聖橋 楊官人橋

宋咸平間里人毘陵三僧橋俱縣西南四十里夕陽橋縣

縣知縣楊道濟建

南四十里 **建魯橋** **陸家橋** 寶巖寺前 **周大鼻橋** **土橋**

俱縣治西南 **自沙港入西一帶烏黯橋** 縣西南四十里 **仲**

夏橋 縣西南四十五里古有大橋徑趨小溪宣和

舒國佐重建鎮官游彥忠成之莊漢英張允明莊

椿輸財鳩工經始於十四年之八月落成於次年

仲夏故名 **仲春橋** **祝家莊橋** 俱縣西南四十里 **尚書橋** **石**

塘橋 **何家大橋** **流花橋** 俱縣治西南三十里又名抑洪橋 **潘**

家大橋 縣西二十五里 **天象橋** 縣西三十里 **西塘河抵**

西壩一帶慶豐橋 舊名望雲橋 **望京橋** 詳第宅志

新塘橋 俱縣西二里 **新河橋** 縣西四里宋寶祐四年 **西**

城橋 縣西五里里 **西洞橋** 縣西六里 **望春橋** 縣西八里又名寶慶

橋 **新橋** 縣西十里 **西店橋** 縣西五里 **高橋** 縣西十里 **西壩**

洞橋 縣西三十里 **自望京橋抵西北一帶金版橋** 縣西北五

里嘉定八年 **馬功橋** 縣西北五里 **自桃花渡抵白沙一帶**

孟陽橋 縣東北三里跨顏公渠尚書署瀟建 **敬思橋** 俗名馬郎橋在孟陽橋西為盧

氏墓道 **隱僊橋** 去孟陽橋二十餘步南接吳 **磚橋**

盧份修 縣東北五里有磚 **橋舖通定海界**

寧波府志卷五終

西園

六里

望春

又各資慶

西園

自望京

西北一帶

金

西

金

自望京

西北一帶

金

西

金

自望京

西北一帶

金

西

金

自望京

西北一帶

金

西

金

自望京

西北一帶

金

西

金

自望京

西北一帶

金

西

金

自望京

西北一帶

金

西

金

自望京

西北一帶

金

西

金

自望京

西北一帶

金

西

